

列朝詩集

列朝詩集

甲集第一

劉誠意基犁眉公集一百二十七首

覽參政璉一十五首

閣門璉七首

小誠意廬二首

劉誠意基

犁眉公集者故誠意伯劉文成公庚子二月應聘以後入國朝佐命垂老之作也余考公事略合觀覆瓿犁眉二集竊窺其所爲歌詩悲愴衰颯先後異致其深衷託寄有非國史家狀所能表其微者每齷然傷之近讀永新判定之呆齋集撰其鄉人王丁讓詩集序云子讓當元時舉于鄉從藩省辟佐主帥全晉庵勘定江湖間志弗遂歸隱麟原終其身弗仕余讀其詩文深惜永嘆嗟乎子讓其奇氣肆劄胸臆猶若佐全晉庵時以未裸將周京故也有與子讓同出元科目佐石抹主帥定婺越幕府倡和其氣亦將掣碧海弋奮後振附龍鳳自疑留文成然有作噫嘻鬱伊捫舌駢顏曩昔氣澌滅無餘矣呆齋之所以責備文成者亦已苛矣雖然史家

鋪張佐命論蹙項之殊勲永新留連幕府惜爲韓之雅志其事固不容相掩其義亦各有攸當也誦犁眉之詩而推見其心事安知不以永新爲後世之子雲乎謹撰定犁眉公詩居國朝甲集之首而子若孫之詩附見焉

漢宮曲

小雨如烟晝掩扉捲簾忽見燕雙飛不知春色能多少總向昭陽柳上歸

江上曲

四首

紫桂香銷五夜霜碧雲收盡玉蟾光琅玕不是人間樹何處朝陽有鳳凰
月出前山青黛寒鴈聲迷下碧雲端艸根錯認驪珠吐自是西風白露圃
賓鴈來時月滿洲于今雁去月如鉤鴈來鴈去何時了月照離人又白頭
紅蓼丹楓一色秋楚雲吳水共悠悠人間萬事西風過惟有滄江日夜流

寒夜謡

二首

良夜悠悠星河滿天風吹窗櫺聲如管絃無酒可飲寒不能眠枯腸飢鳴
百慮交煎人生一世不滿百年寤寐懷思曷維其然內省不疚有愧聖賢
今夕何夕歲聿其徂艸木彫落山川繁紆瞻彼鴻鴈拂翼天衢雌雌和鳴
載悠載徐雖無羽翰心與之俱華月出雲青鎧在悶歌以寫懷云何其吁

長歌續短歌

短歌調促情苦悲長歌引愁無絕期短聲欲盡長聲續似是荆山人泣玉悲哉荆山泣玉人但知貴玉不貴身縱令哭盡歌堪聽何異春花委路塵古稱悲歌可當哭傷心如中金石鏃更不必聽蔡琰笳又不必聽斬離筑長歌飄揚徹九天短歌嗚咽入九泉徒言歌哭兩情異誰知歌聲尤可憐

望行人

朝聽乾鶴鳴暮見燈花結鶴鳴燈結無定期鏡裏青雲看成雪人生百歲難長保天上孤鸞海中老滔滔逝水不回西灼灼秋花幾時好一朝復一朝一夕復一夕只恐君心念妾時妾身已作山頭石

旅興四十首

初秋積雨過衆綠光如濡莎雞啼高樹蟋蟀鳴階除時物已改故芳年從此徂榮名非我願守分敢求餘登樓眺遠郊肆目望天衢明月出雲中危我華髮疎還歸掩關卧夢到閨田居

憶年二三十笑人不能勤誦書歛萬言落筆飛煙雲有朋自遠來講論窮朝廡一藝恥不知高蹈蹠前聞寧知有衰老耳聾目如熏身世且未保況

敢言功勳

老不與懶期身老懶自至懶不與傲期力憊難強事茫茫視天宇忽忽心如醉勞生諒何庸顧爲形所累弱亦隔蓬萊安得生兩翅

秋風蕭萬物百蟲競號鳴蟪蛄最可憐切切悲其生屣履升庭除素月圓且明玩之不可掇渺焉忽西傾回身掩房闥愴悅煩慮盈太息以終宵展轉難爲情

微福非所希避禍敢不慎富貴實禍樞宴欲自鮮客疏食可以飽肥甘乃鋒刃探珠入龍堂生死在旦瞬何如坐蓬草默默觀大運

死別不可追生別那可思悼往悽節俱待來志時遲人生百歲間苦樂相牽攀念生復念死何時一開顏登高望八荒目睂飛鳥還有願不克遂良下空潺湲

秋氣雖可悲秋色亦可悅寥寥天宇曠皎皎縣象晰鴈來山葉紅龍卧江潭潔波美黃金花含英耀窮節佳人不可期明月圓復缺空庭夕陰盡露艸白如雪佇立望四方彌使憂念結

窮巷屏人跡開門見青山青山似故鄉客子何當還蟪蛄日夜鳴綠樹乍

已殷白日駛西征浮雲不可攀安得生羽翼奮飛出玄間

雨來群山暗雨過群山明山明猿鳥喜山暗猿鳥驚歲暮陰風起白日西
南傾寒蟬枝上號阜螽艸間鳴人生非艸木能無感中情

赤霞變玄雲風起烟霧塞颶颶木葉響牕牕原野黑青泥沒委巷關塞牛
咫尺水深蛟龍恣山濕鳥獸寂留滯荷戈人艱難去鄉客翹首望太陽憂
思萃朝夕

望舒乘罕布滑輪躍重淵二儀烟霧交九澤風雲連丘陵冒潢潦溝澗成
通川鵠鶴失其巢窮猿鳴可憐蛙黾一何樂喧呼聒宵眠

晏景無還暉霜露變已繁松柏坐榴翳桃李更何言旦夕悲風起黃沙蔽
平原萬物盡凋落芳華誰獨存我願化爲鵠不願化爲猿鵠聲聞天猿
鳴烟雨昏空林夜寥寂躑躅傷精魂

西風吹碩果艸茅思索緇振振卉木零寥寥寒蟲號百川日夜流泰山何
其高沉浮自有定汲汲無乃勞
久雨得晚霽豁然如醉醒幽花銜餘紅遠峰出孤青獨坐無與娛靖聊吟
空庭良辰能幾何逝者忽如傾歎歌欲自慰歌竟還傷情

微風振簷鐸瑣加環珮響。登高看秋色。俯見明月上。木落天地寬。雲散川原廣。來者不可期。逝者日已往。離居豈無懷。惻愴繁遠想。

日暮登高臺。流目盼雲間。有明月窈窕芙蓉顏。光輝被四表。萬古一往還。惜無騰化術。仰之不能攀。

江上秋風急。天寒鴈南歸。客子曉長途。中心一何悲。顧瞻望四方。有懷當告誰。霜露日夜零。百卉厭其枝。衰謝不待期。榮盛安可追。太息復太息。愴恨涕沾衣。

薄雲歛微雨。返照涵空煙黃葵。問紅蓼爛若濯。錦鮮老病苦無歡。坐爲憂所纏。自恨非松喬。不能還少年。授琴寫此曲。曲盡心茫然。

翔鶡搏扶搖。九萬一奮翅。驛驛康莊瞬息千里至。谷幽穴坎窔。鵠鷗集蓬蒿。偏仄豈不憐。飲啄亦何忌。李父空有勇精衛。良無智翼折。海未枯。身債杖。徒棄何如抱。區區保已遺。世事。

倦鳥集安巢。風林無靜柯。路長羽翼短。日暮當如何。登高望四方。但見山與河。寧知天上雨。去爲滄海波。慷慨對長風。坐感玄髮皤。弱水不可航。曾城吸嗟矣。淒涼華表鵠。太息成悲歌。

病身如朽木墮蟻群萃之生意已無多雨露空其滋晨興步庭除足弱幾不持論年未應爾胡爲遽如期大塊播萬形一軀非我私暫假終必還但有速與遲居易以俟命聖言豈吾欺

上古人一心生桀死同哀末世自爲心骨肉多嫌猜沉沉十日雨漫漫百畝苦苦深車輪沒平路生蒿萊嗚呼張仲蔚衡門何由開疎庸厭人事疲病畏交游得閑顥已懶敢有分外求開門對鍾山山翠盈我眸日中市聲遠艸綠空庭幽登臨觀萬象玄理足可搜誰能走逐逐自使生悔尤

別離多苦懷三年當百載來者非所知往者今安在浮雲旦夕起白日埋光彩天地亦有形豈能長不改去去東園公紫芝猶可采晨興梳短髮庭樹生秋風萬物有容色與故各不同碩實屬老成天桑怨童蒙英英黃金花旋旋清露叢歲暮等淪落何異蒿與蓬庭前草華發夜涼螢火流有懷不能寐超望女與牛那無一葦航繁念空悠悠淚如宵露零散漫不可收

忡忡坐虛室皎皎日向暮空烟歛曾岑暝色半高樹絰邈起遐思逍遙

輕步嬋娟天上月的爍艸間露物情豈異昔人事殊非故芳歲不可淹衰
年況多慮諒無彭鏗術頽齡那能駐

天天芙蓉花向晚猶媚嫋娟娟明月輝粲粲當庭戶寒衾耿長夜夢寐空
自語勞生邇六極老病在羈旅將思訴穹玄恨無搏風羽

大火沒西南晝短宵已長志士鬱慷慨老年怨淒涼蕭蕭艸蟲鳴肅肅蒼
隼揚物情各有定人意苦不常踢步陟崇丘流目睇康莊寧爲欵段駕
作騏驥良歎段駕鼓車道里有限量騏驥被重甲力盡百戰場死骨賣于
金雖貴亦何償

古音流湘竹猗猗被寒木遊子如飛蓬佳人曠千里登高左右望但見
黃塵之鳳凰翔不下梧桐化爲枳傷懷不可道憂念何時已

吾觀穹壤間萬變皆有窮何如順天道原始以知終清晨攬衣起綿綿生
秋風雛雛鳴鴟來灼灼酸棗紅悵焉念所思悲感集子衷佳期在何許
璠州成枯蓬佇立望日月勞心極懽懽
鳥鳴朝啞啞鵠鳴暮啾啾聞鶻旣不喜聞鳥復何憂世人務苟得君子絕
外求滄浪迅風波無風卽安流胡爲自水炭以貽達者羞

嚴風萃群有蠅蚊亦無多所憎雖去眼若此歲晏何中夜攬衣裳起視星與河出雲未還山落葉早辭柯沉思不成寐大息繼以歌寒燈耿幽幕蟲鳴清夜闌起行望清天明月在雲端美人隔千里山河杳漫漫玄雲翳崇岡白露凋芳蘭願以綠綺琴寫作行路難憂來無和聲絃絕空長歎

秋山青如烟秋月白如水登高俯空曠咫尺見千里悠悠孤雲行嫋嫋涼風起涼風吹客衣客心隨風飛願作滄海潮朝來莫還歸

久旱艸不生一雨青滿地新荑與舊枿好醜各自媚喈喈黃鸝吟習習玄鳥至閑庭人跡稀白日澹清氣平生孟公綽庶足無妄覩但願長若斯撥置身外事

江城夜來雨雷音亦何砰今晨視郊原艸木皆發榮雙雙布穀兒來我墻上鳴園蔬猶可藝無忘及時耕倦翮得安巢感荷天地生
秋高潦水涸旻天亦淒清枯籜響悲音羈蟲振餘聲墮墮落日暉慘慘游子情風林無定枝馳車鮮安旌自愧匪賢達默默嗟其生
山鬼處幽篁自分不見天寧知無私照及此時井泉倦鳥思故林窮魚思

故淵感荷實難忘庶其保終年

鐵羽畏高風疲馬厭長道玄陰促暮節何物能不老自非松柏質敢與出衆艸登山臨流水及此晴日好春芳藴蘭蕙秋實栗杭稻黃精肥可食石泉清可澡榮名何足言息心以爲寶

過蘇州九首

姑蘇臺下垂楊柳曾爲張王護禁城今日淡烟芳艸裏暮蟬猶作管絃聲
如蘇臺下垂楊柳落葉蕭蕭日暮風天地山河有真主迎來送往總成空
憶昔吳宮無事時滿城楊柳舞西施如今柳盡西施死恨殺當年陌上兒
陌上清歌最可聽誰知此是斷腸聲如中更有楊枝曲恨殺昏雅及曉鶯
虎丘山下月朦朧閨闥門前動地風子夜一聲琴一闋杜鵑聲在碧雲中
燈映前牕紙不鳴四壁無語犬號聲南陽已起爲霖了何用人間更得名
滿地寒風滿面塵荒烟白艸舊通津宴安酰毒俱亾國可但西施解悞人
成敗由天衆所知烏江拔劍更何疑誰言品若海刺蛟手也學臨春井底兒
小雨如膏漬陌塵一溝寒碧曉生鱗餘年已自無多子更向途中見早春

漫成

二首

宣艸花空發丁香子又生浮雲無處所孤月不須明
望帝千年魄聲聲是淚流空庭無竹樹省得一春愁

老病歎

我身衰朽百病加年未六十眼已花筋牽肉顫骨髓竭膚腠剝錯瘡與癩
人皆愛我饋我藥暫止信宿還萌芽肺肝上氣若潮湧舊劑再歡猶淋沙
有眼不視非我目有齒不齶非我牙三黃苦心徒自療五毒浣胃空矛戈
因思造物生我日修煥已定無外差琨瓊不能使之少虛秦焉能使之加
攻犀鹽朽各有分鳬悲鵠悼何繆耶不如閉戶謝客去有酒且飲醉誼譁

漫成

老去知心更有誰愁將短髮對花枝花殘更發新春葉髮白空垂滿面絲
縱酒放歌憐往日倚闌聽鴈立多時若爲化得搏風翮汗漫東西信所之

有感七首

物換星移事已迷重來舊處感東西可憐如鏡天邊月獨照樓烏半夜啼
焚書千古訝嬴秦逃難茫茫走縉紳尚憶商山近京洛白頭容得採芝人此
詩爲己亥題青田山中太祖命孫炎遣使鈞致而作

甲橋孤棲死不疑那將宗社換西施想應嘗膽秋風夜恰似無忘檣李時
鴻鴈來時月滿天客途僮僕自相憐荒村觸眼惟茅屋榆柳蕭疏起暮煙
黍穂高低菊有華塵居恰似野人家夕陽日向西牆過只爲微生換鬢華
魚鹽充物稻粱肥誰寤繁華是禍機日暮無人信亡國寒雅猶帶夕陽飛
漫漫陽春不見秋人生得意總愁人愁茱萸謝盡芙蓉發清夜吹笙月滿樓

古歌三首

紅葵高花高以妍清晨方開夕就蔫美人迢迢隔山水可望不見心茫然
花開花落日復夜惟覺新年非故年人生百歲花一度何不作樂令人憐
舊花欲落新花好新人少年舊人老佳人見此心相憐舉觴勸我學神仙
我聞神仙亦有死但我與子不自知祇言老彭壽最多八百歲後還如何
雙燕雙飛入我堂銜泥養雛何太忙養得雛成却飛去雙燕雙飛復如故
東園桃李春華麗日華烘露生紫霓一朝實熟付人採葉枯枝折空成蹊

夜泊桐江驛

泊夷清太公功出處非邪豈必同不是雲臺興帝業桐江無用一絲風
松葉酒歌寄梁安宅

道人贈我公葉酒味似瓊漿色瓊玖嚥之骨爽神魂清令我醉同金石久
我生疎嫩無所能瘦皮黏骨危峻嶒病來啖藥猶啖水夢寐恍惚風中燈
常聞徂徠有嘉木玄醴滌濯黃露沐上有兔絲揚翠於下有茯苓蹲白鹿
咀華嚼葉嚥以津歲久定化腸爲筋便從偓佺覲黃帝身騎肉角青驥驛
我欲求之百憂集滿眼蚊蠅隨出入踐鳥箭逝纖阿急日暮空瞻鄧林泣
道人此酒還有方我欲與子同徜徉世上神仙亦何限留侯辟穀應未晚

侍宴鍾山應制

時蘭州人方葵挺

清和天氣雨晴時翠麥黃花夾路岐萬里玉關馳露布九霄金闕綯雲旗
龍文驃裏驍鷺輶馬乳蒲萄入羽卮衰老自慚無補報叨陪儀鳳侍瑤池

秋懷五首

東風吹晨霞初日垂白足溼烟屯簷棟飛雨鳴樸櫟厭厭葉就黃萋萋艸
還綠索居謝喧嘒庭絕車馬蹣跚來多所懷追往不可復憐隨老共至病
與年相促省窮慚寡尤守分無望福駕駕立阜櫨敢慕驥驛逐
空堦走穴蟻荒垤唳巢鶴陰氛方騰達密雨已彌漫沉沉翳光景昧昧感
昏旦林鴉濕休飛簷雀餓相喚止北隔關河四望空慨歎悽悽衣裳單戚

戚歲年晏微生如石火徒勞暫時煥永寤爛柯人萬事一夢幻

清晨啟扉坐微風動游龍離離牆上花切切砌下蛩唧唧自成音灼灼各有容四序迭推移衰病情所鍾身羸足已弱有願不得從愧負天地生愴恨填心胸

蟋蟀已在宇鴻鴈方來賓天秋風露寒陰谷何時春欲爲商聲歌恐驚桀上塵衡門掩仲蔚庶用存吾真

薄雲散高風天色青如染盈庭露輝輝當窓星皎皎寒來愛蘭釭暑往却筠簾憂思浩無際起坐數更點晦明相代謝避盈乃無歉未嘗陟孟門誰識行路險貢害豈無因戒之在懷琰真豫何可長用之以自檢

題謝臯羽傳後

阮籍哭窮途墨翟哭素絲賈誼上書期寤主卞和抱玉無人知人生有情不可塞謝生慟哭非狂癡神奔鬼遁天地革龍魚貓虎三辰黑輔裳玄袞換璫裘鞬唱羌歌滿中國生也何辜逢此時有才不用空男兒伯益丘墟管仲沒孤松弱植誰扶持既不能學申胥頓首血沾臆却吳再建荆社稷又不能學鄒衍長號徹帝闕飛霜六月淒燕山空將淚灑荒岡雨添作秋

濤撼江浦不見杞梁之妻
哭夫哭得城崩又何補夜猿叫罷天寥冥
哭聲搖動虛危星瀟湘竹死鳳凰去但見白波連洞庭嗚呼此士今安在
金石可銷心不改應將魂魄化精衛銜取南山填北海

秋感二首

老病偏多感宵長晝亦長衣冠方謝暑枕席已驚涼往事鐫心在新知過
眼忘離邊舊我菊歲晚爲誰黃

日白天青木葉凋雲山漫漫故鄉遙石床墜露珠光動碧砌幽花玉色銷
十載故人俱土壞五更歸夢負漁樵懷來憶往成惆悵蔓艸蠭蟲對寂寥

悼廢圃殘菊

舊菊將蕪尚有根高秋相顧耿無言芳心不共青莎死生態猶欺白露繁
要待靈均餐落蕊從教元亮耻空尊何人解識淒涼意分付寒蛩仔細論
服力徇稽事矻矻望有秋凌晨荷鋤出日入且未休中夜看星辰早涼切

雜詩五首

所憂西成告豐歲珠璣滿田疇飽食幸可期喜色欲盈眸寧知霜雪早零落不得收荒畦委滯穗槿樹空簪斜陽照白髮短褐還飯牛天命固如此汲汲復何求

季世罕上壽百歲爲長年軒皇不可見顏冉復誰憐安期乘彩虹羨門駕紫烟朝游蓬萊島夕宿曾城巔常恐聲風枝摧折滄海田徒令驪山客想

聖稱神仙

月明棲鳥動月暗棲鳥定茅鴟潛枳枸大眼掛宵鏡皇天生萬物一物界一性遂令春城間擾擾事爭競喧呶窮日夕豈不恩天聽化工雖云巧爲法祇自病況令人嗟欲問誰與應速成非良器驟得難久好桃李望春舒亦復迎秋稿蕡英耀朝日未夕委蔓艸飢農種種禾自慶得食早歲暮寒深冽衡門淨如掃瀛洲對方壺弱水爲池沼不有千年花安得如爪葉徐市駕樓船輕帆迅如鳥仙人倘可見帝恐三光老寄書附文鯤羽雲空縹渺

舊在杭時爲冷起敬賦泉石歌亂後失之今起敬爲冷律郎邀予寫舊作已忘而記其起三句因更足之

君不見吳山削成三百尺上有流泉發蒼石冷卿以之調七絃龍出太陰
風動天初聞消治響林莽悄若玄宵鬼神語玲然穿峯達幽谷竽籜颺颶
振喬木永懷帝子來瀟湘瑤環瓊珮千鳴璫女夷鼓歌交甫舞月上九疑
啼鳳凰還思媧皇補穹碧排抉銀河通積石咸池瀉浪入重溟玉井冰澌
相戛擊三門旣鑿龍池高三十六鱗騰夜濤豐隆咆哮震威怒鯨魚捷尾
驚蒲半倏然神怪歸寂寞殷殷餘音在寥廓鮫人淵客起相顧江白山青
煙漠漠伯牙骨朽今幾年叔夜廣陵無續絃絕倫之執不常有得心應手
非人傳憶昔識子時西州正繁華箏笛沸晨暮兜離儻休爭矜誇子獨倘
佯泉石裏長日松陰淨書几取琴爲我彈一曲似掬滄浪洗塵耳否徃泰
來逢聖明有虞製作超萃英和聲協律子能事罔俾夔擎專其名

雪鶴篇贈詹同文

有鶴有鶴丁令威碧玉爲骨玄霜衣曾城十二身所依千年伐毛一度歸
洗髓織女黃姑磯瑤臺雪花大十圍食之神爽肉不肥乘風振羽芳菲菲
丹砂結頂燒有輝咳唾璀璨生珠璣朝遊明星夕大駢騰光躡景超巍巍
膝六驂乘虹蜺駢蕪宮仙娥頃帝妃鎔雲鍊雨成瓊歲眩晃晝奪扶桑輝

離眸閃爍不可睇回焱擬擬翼槁旛白虎嚴棘艮厥腓鸞鶴鳥鳴鵠鶩翬
鷺鵠鵠鵠鷺與鵠局促縮胸潛崿崎惟有皓鶴從之飛竦翮夜過東皇畿
玲瓏琪樹漫金微若然長鳴驚海坼海波噴作煙霧霏馬銜罔象蹲若饑
鯢鯢天矯相噓唏銀河腹堅膠輦豨王母桃花凍不紺五色石裂女媧諒
祝融上訴開九扉帝命養之青鎖闈賜以沆瀣憐其饑朝朝暮暮朝太微
翅膀披拂天香紺北斗粲爛星依稀翠縠抱日露未晞圓肮修趾逸且頎
蹻蹻蹈舞霍以揮散仙引領空相希嗟哉清峻天下稀勿歎遼東城郭非
桂華窅窪甘露澄味美遠勝商山薇擷英爲羞堪咀嘆比之琅玕亦庶幾
盤空硬語去脂韋歌以贈君君莫譏

秋夜聽冷協律彈琴分韻得夜字

秋清衆賴寂華月耿遙夜玉琴奏瑤席逸響發高榭微微風入林稍稍泉
出罅閃閃黃鳥春嚙嚙玄蟬夏幽憂北鄙語赫怒西楚吒初疑廣寒府和
鑾起仙駕忽驚龍騰霄雷電劈大華淒涼漢宮女萬里異國嫁逍遙商山
老芝歌意閑暇斯須變曉涼更妙奪造化終焉返淳朴瑚璫在縹藉鄭衛
失其潘儀秦失其詐虎狼失其嚙鳥鳶失其嚇大音信希聲餘美甘如蔗

持此滌塵心永與筆笛謝

青溪山房歌寄宋景濂

若有人兮乃在大江之南。淛河之東。連山掎拔。瀛海上上與河鼓天津通。
憶昔四女下天來。遺鬟墮地根龐鴻仙華。傑出家怪異。望之如雲浮太空。
欵鑿列施牆。鬱不可上。蒼蔚雜樹昏。蜃臘虎龍咆。號猿鶴叫山鬼。呵欵生
悲風。嗟哉若人兮。胡爲乎其中。梁檀柟兮杜杜楓結青蘿兮以併。慘不翦
不伐兮不鹽以攻。晨嵐暮靄滴晴雨。烟條霧葉相蒙。龍繆繆兮纏纏春
今蓬蓬綵糾要紹兮。若蒼龍垂胡降玄穹。棽麗披離兮。若翠鸞振迅飛。蕤
蕡鶯黃和鳴。柔扈應鬢。羃牙曠之絲桐。幽泉發質。鏘玲瓈六月赤日收蘊
隆陽凌陰。蓄春融融。巖花澗艸紛白紅。有時皇初平。清夜騎羊朝帝君。瓊蕤
羽蓋冰玉珮。華月閃爍光成虹。松吹笙兮竹舞。翻影旆旆兮聲颯颯。娛目
悅耳兮樂不可言。世間塵土何夢。夢山有芝隰有薑。石鑿鑿兮水漂漂。猗
若人兮美且充。飢食倦息兮可以保我躬。逍遙兮棲遲。又何必訪廣成于崆峒。
送姚伯淵之清溪河泊所任

清溪之水通秋浦。石白水清魚可數。鱣鮆鱠鰩鮎與鱗小。魚如鍼大如杵。

侵晨漁艇浮空來千夫撒網雲烟回鳴榔擊楫聲如雷水怪駛啄珠宮開
課魚使者矢魚急馮夷噓啼龍母泣琴高赤鯉縱有神何暇超騰作人立
吾觀大江之中有壯魚名曰海豨頭如猪群行九十其朋徒歛沫成兩條
歛首風俱旌陽仙人上天去已久平池波濤隨處有春淵潛鱗陟負冰時
哉罔俾貳人後小魚瑣碎懶所捐大魚多膏秕自煎君不見振振鷺白如
玉沙頭見魚飢不啄一朝飛上瑤華池紫鷓黃鵠相追隨俯視禿鶴垂六
羽還共野鳥爭腐鼠

旅夜

二首

昨夜起觀星月在楊枝上今宵不見月星影空搖漾羽蟲飛拂戶燈吐孤
火壯佇立掩衡門愁來獨惆悵
客愁常突兀今夜燈花生誰知無喜報愁亦暫時平解襟成獨寢留燈待
天明喜固不可求客心恒畏愁

道士周玄初鵠林行

鵠林道士軒轅徒以鸞爲輪雷爲輿開山養鵠作驥驥上下二儀周六虛
雛成洗髓扶桑羽縞練羽毛鏘鐵骨聲瓢碧落玉清揚影拂太微雲滅沒

永夜月明。滿林竹柏戛擊笙簫音。云是旌陽許縣令。躡蹠佩劍來相尋。
靡蓀西枝搖倒景。借去林間兩丹頂。伐蛟北海奠玄冥。斬蜃南訛封浪井。
上窮列缺旁。九圍却過度。朔山中歸歸來贈我桃樹枝。朱衣赤郭手所持。
令我鞭龍扶虓虎。攝縛臊魑如奴虜。授我堯時松子訣。轉晴山電噓成雨。
鍾山秀色連冶城。百花繞屋風泠泠。焚香獨坐誦真誥。墜露點滴流華星。
王伯駿奔從號令。鶴鳴闐天空。谷應寥陽寶殿歌。步虛河漢當窗回斗柄。
嗟子衰朽雜病攻。盈顛素髮吹秋蓬。空餘硬骨如瘦鶴。因子致意浮丘公。
爲詹同文題浙江月夜觀潮圖

君不見四時平分成歲功。以秋繼夏獨不同。炎官抉長握天柄。七月赤日
嬉玄宮。蓐收抱鉞蹲白水。野氣赫赫攄頰虹。陽侯喘汙河。伯渴少吳上訴。
愁天公會須萬物長養遂。斯以仲月虛宵中。此夜姮娥魄正滿。命駕四蟾
驂。兩駉指揮禹。強出玄渚蕩滌歟。熇清霾蒙河漢。發源牛斗下曲江。上與
天津通。初看一髮起溟微。如曳紺練來於東。漸聞殷騎轔。鼓發倏忽萬雷
聲。撼風天吳掉尾出溟涬。馬銜揚響招海童。霓旌綺帳驚羽情。瑤臺十二
浮空濛蘂珠仙人。乘玉輅。騰駕鶴鵠飛。羈羈長庚歛霍拔光耀。靈母扶龍

嘯戛銅宓妃起舞素女從瓊珮絳雲幘
高鬢空鯨魚呀呷鮫鷺遁蒲牢哮吼馮夷宮瞿唐巫峽起平地灔澦若象
塵回潔先驅已過赤亭嶂後從始發龕山谼商聲爽浙合群籟澤國稟漂
寒欲凍先生翫月坐樓上夜氣澄寂神和沖憑闌快覩煩暑退呼兒命酒
澆喉嚾自舞自歌歌自作月照白髮三千總歌聲迴颺林壑應竹樹戛擊
絲與桐淵魚躍波棲鳥作紫桂繞屋清香融君歌曲終響未終我歌激烈
留征鴻望眸相視俱老矣況有衆病來交攻聖明天子御宇宙威惠與
天相比隆首丘倘許謝機糾猶有古月光臚臚行當唱和三百首永與潮
汐流無窮

病眼作

若不見昔日方相氏黃金爲四目精光倏昱奪長庚導者趨風觀者肅一
朝墮事端有司委棄塵埃同朽木我生兩眼粗能視要探天根窺地軸論
價未止連城璧傳聲共推天下獨寧知用譽貴含章鬼物由來闕高巖三
彭上諱三盧聞乘時作釁何其速吳回熾炭煎赤汗灌注清揚發炎燠赫
如巨鱗山淵淪網若錦衣蒙綺縠淚漬紅桃浥露開侈昏月雀披烟宿鷗

嗁呼雨荔乞。至布穀啼山蓬。繁然雪深太白牕。碧鶯霧苦瑤臺落黃鵠。自分衰年已無幾。膂力卒單筋脈縮。春榮秋悴兩茫茫。柳綠花紅非所逐。天公若復可憐生乞與寸光分。粟菽無勞指點某在斯。不用南陽潭上菊。

秋日即事

八首

秋風吹雨冷脩脩。塔下金錢爛漫愁。鴻鴈不來巢燕去。艸蟲辛苦獨知秋。
春華秋艸兩悠悠。素髮多情却滿頭。落葉自隨流水去。遠山空帶夕陽愁。
垂垂密雨驟。修楊點點青苔繪。短墻不是鴈聲天畔過。爭知今日是重陽。
秋氣蕭條宋玉悲。西風唯有鴈相宜。秦淮岸上青青艸。想見繁霜未落時。
寒星無數月如鉤。槁葉呼風入敝裘。人世可憐唯有老。鏡中憔悴夢中愁。
掛壁青缸照不眠。相看到此亦堪憐。露寒霜重殘螢盡。腸斷秋風憶往年。
病眼昏昏四顧迷。獨行渾似雪中鶴。花開葉落真成夢。愁聽門前過馬蹄。
槿華數樹夕陽時。收拾秋光在短籬。自紫自紅還自碧。祗應獨有暮蟬知。
北風吹鴈過蕭蕭。旅館青燈共寂寥。蓬髮一時成白雪。老來禁得幾秋宵。

贈杜安道

憶昔天兵伐荆楚。舳艤蔽江齊。萬櫓譴聲激烈似雷霆。猛氣包然震貔虎。

拔柵院城猶備拾探穴九江無險阻明年大戰康郎下日月坎北相吞吐
馮夷踏浪奔木飛巨鼈掉首三山舞雲隨太乙擁鋒旗鼈爲豐隆作靈鼓
將擐金甲箭攢蠻戰士鐵衣汗流雨火龍嬉燄絳天衢燧象逐煙煎地府
鯨鯢旣翦撓搶落艸木熙陽魚出谷當時從臣皆俊良近侍共推徐與杜
或操陳子之刀鐡或負伊公之鼎俎艱難出入矢石下鞠躬盡力無摧阻
風興夜寐事一人小心不貳帝臨女只令四海同車軌封菲問遺遵往古
瓊瑤赤韁達鶴行鞍馬祿食光門戶天鵠一聲金闕啟龍顏有喜常先覩
顧我悲疎憂患集病骨嶮嶒蒸溽暑興來懷舊倚長歌星星兩鬢絲千縷

春夜

一首

春夜迢迢微風不興六合無氛銀河欲冰月流素波星回玉繩孤坐不寐
憂思相仍壯年已謝昔非莫憇如彼老馬心念超騰道路崎嶇勒不可能
俯撥紅爐仰剔青燈欲與晤語誰其我應

青陽

一首

青陽微載白日孔昭艸生于野華發于條隨氣成形或蘖或翹暉暉興懷
中心飄搖麥有雜藻藻有魚跳嚙鳴在樹磬管簫韶鶯言出游以猶以陶

燔不可憇燔不可天自非松柏不能後彫來者弗畏往者其消

新奇

昨夜東風來吹我門前柳柳芽黃未全艸根青已有鶗鳩屋上鳴勸我嘗春酒我髮日已白我顏日已醜開樽聊怡情誰能計身後

雞鳴一首贈宋文姪

雞鳴朝暉艸露未晞巢烏子飛 雞鳴夕陰艸露淋漓鳥歸于林 雞鳴

匪司時鳥舉匪有期氓之蚩蚩蓋亦何思 朝露白如玉我不敢踰恐溼我足夕露光如珠我不敢踰恐濕我裾 誰謂河弗廣可航可蕩風波無期不如勿往 誰謂林弗幽可邀可游豺虎無虞不如勿由 中田有禾園有樹麻發石有泉可以爲家 中田有麥園有樹核采山有蔬可以爲宅

送金華何生還鄉觀省

樓外桃花紅錦披當花把酒映花枝慈親飲酒看兒笑記擣桃花洗面時

潛溪圖歌爲宋景濂賦

金華山水天下希潛溪龍門尤絕奇群峰峻極河漢上一峰獨立芙蓉陂先生結廬在其下文追班揚兼賈馬遂令此山增壯觀野有樸樹皆梧櫟

上清道士方方壺乘興爲作潛溪圖丹崖翠麓神仙居東望日出樹如蘇
溪流穿林還度谷十里一達五里伏龍湫吐景生白虹藤蘿振雨松呼風
却憶往時清夜月帝女乘雲下天闕鍾鏞鑄鎗蕭鼓發霓裳羽衣飄滅沒
初平騎羊前啟行長鬢鬱鬱飛玉霜秦娥吹笙玄鶴舞牽牛河鼓凝寒芒
相思迢迢頻入夢夢駕函鸞從一鳳覺來毛髮猶爽浙目送征鴻度空碧
山有蔬水有魚幽澗有泉清可漱何時上疏乞骸骨寄聲先遣雙飛鳬

有泉在山一首

有泉在山爰注爲壑膏火自煎一室之燭蔚彼茂林有檀有松有梓有桐
可以爲車可以爲宮有泉在山爰注爲淵膏火之燭維以自煎蔚彼茂
林有柞有棫有樗有櫟可以爲薪可以爲杙

春日雜興

五首

春霧冥冥木葉凋蒼鷹拂羽化爲鳩莫將松桂夸桃李柱下先生早白頭
日自西驰水自東落花飛絮總隨風舊巢燕子今何處烟雨庭臺似夢中
細雨冥冥晝掩扉更無芳艸有垣衣人生一世邯鄲夢老病無眠夢亦稀
兩隱滄江霧隱山鄉關迢遞寄書難病來只盼春風到不擬春風燒更寒

日出江空曉氣蒸白蘋風起渚烟收夜來一鉢三更雨送盡飛花入海流

感春

三首

日暮東風起滄江水微波水深不可涉路遠將奈何薜荔葉已齊故鄉隔
山河盛年難再得芳意其蹉跎

朝采山上蕨幕采澗底薇雖無梁肉味聊可以御飢羔羊薦美酒飽食同
豢犧玄廬苟未閑彼此誰是非

人生多憂患死去百患消但恨不便得無由脫鞍鑄浮榮衆所貴何異掠
艸焱一生與一死一夕復一朝周器忌盈滿老子戒矜騎園林無恒芳江
海有回潮委心從大化庶幾永逍遙

枯樹圖歌

道傍古樹身半枯白蟻穴根蟲穴膚風摧雨撼霜雪凍斷石脆弱無人扶
憊昔勾芒肇初政百卉騰達隨呵噓新柯荏苒舊柯壯霧露高冰光如濡
黃鸝翡翠語嬌滑棄扈戴勝鳴相呼白鶴來巢鹿止蔭丘石崿睨爭歎譽
寧知憂患生旦夕野火倏忽起不虞燎原烈焰難嚮邇孰問祚操杉與檣
枝燔葉燬根半赤朽腐膿液非時須山林搖落歲方晏聊以薜荔爲衣柳

嗚呼廣廈棟梁具委棄艸莽同薪蕩皇天未必替生意更盼玉燭回陽烏

卽事

春半餘寒似暮秋掩門高坐日悠悠樹頭獨立知風鶴屋角雙鳴喚雨鳩芳意自隨流水逝華年不爲老人留浮花冶葉休相笑自古英賢總一漚

遺興

江上潮來風捲沙城頭畢逋鳥尾訛燕泥半溼昨夜雨蝶網忽黏何處花孤坐日月自閑暇出門岐路空交加漫將白髮對芳艸目送去鴻天一涯

劉參政璉

璉字孟謨誠意伯之冢子誠意伯家居璉將命朝謁無慮八九至輒燕見類家人父子上喜曰伯溫有子洪武十年拜考功監丞兼試監察御史出爲江西布政司右參政卒于官年三十二閤門使恩遇錄載太祖聖諭璉死亦中胡惟庸之毒也著作多散佚遺詩有自怡藁僅九十四首

遺興

綠鳧水中遊白鵝雲間飛霄漢有修程焉能顧卑微浩蕩展羽翰崑丘以爲期鷺鷥趨下風塵絕張旄倏忽萬里餘摧頽不知歸空林有故巢繁

霜日霏霏孤鶴嘯黃口啁啾將疇依豈如戲蘋荇雙栖在漣漪

秋日旅懷

秋氣生白虹秋聲入高樹離離星漢明杳杳孤鳥度夜坐不覺久逍遙散
余步鬢毛動麥風羅裳怯零露寒陰日已漫芳歲聿云暮曉言思我鄉誰

與將尺素

白楊河

白楊河下春水碧白楊河邊多估客東風二月柳條新却念行人千里隔
岸上居人纔數家茅茨深處見桃花小婦河邊汲新水老翁門外看雛鴉
桑苗未青麥苗綠牛羊散落村墟牧行客年年任往來居人自住楊河曲
自君之出矣四首

自君之出矣金爐烟不梟思君如露桃紅淚墮春曉

自君之出矣蟬鬢枯可燎思君如流螢持明徒自照

自君之出矣璠瑟塵滿柱思君如迴風旋轉無定處

自君之出矣芳香銷玉體思君如河冰堅凝直到底

遣悶

天光沈陰歲將暮客子驅車逐歸路塞鴻叫入吳江雲野鳥對立枯桑樹
茫茫四顧少行人枯蒼之山渺何處愁心如水水復凍焉得滔滔向東注

自武林至丁郭舟中雜興

四首

舟行滄宿雨稍霽汎通川深霧羣山沒長天曉野連桃開榆葉小麥秀菜
花鮮卉喜昇平象高飛見紙鳶

晚來風勢歇又見日臨曛遠岫留纖彩疎星歛薄雲波流璧月動舟過鏡

天分何處危樓上歌聲靜夜聞

寂寞空江上漁舟起暮煙明湖天際濶落日霧中園宿鷺毛衣潔歸鴉羽
翼聯故山千里隔悵望日悽然重到昔游地茫然感去途高原深蔓艸沃野浸平湖水闊蛟虬橫山空鳥
雀呼淒涼今古意落日片帆孤

集外詩

三首

春日書車

雨收春日融衆艸豐且碧和風拂輕衣飛花撲行客晴空搖翠烟莽蒼見
山色青年豈長住感此思夙昔

私齋

積雨霽郊甸涼風來早秋蒲柳變冶色寒蛩生暮愁明月艷素光青山澹如浮遊目睇行雲感此身世憂故鄉不可見悵然心悠悠

錢塘遺懷

江風吹浪雨冥冥雲暗春山霧壓城箭鋏不隨錢氏化黍苗還向宋陵生海門潮擊千年恨漁浦帆開萬里情昔日繁華總徂謝蒼茫流水亂蛙鳴

劉閣門環

環字仲環文成公之次子洪武二十三年太祖宣諭吏部命襲父爵仲環回奏有長兄之子薦在上天喜命薦襲封考宋制除仲環閣門使隨駕傳旨次年八月陞谷王府左長史建文孫位稱疾不起見上猶稱殿
下云殿下千百年後逃不得這一個字下詔獄自經死仲環弱冠好學知兵偉貌豐髯議論英發尤深禪學一時尊宿推爲作家有易齋文集十卷

無隱集偶頌二卷

橫雲山居

爲唐伯謙知州賦

山蒼蒼兮欲雨雲橫覆兮歸汝有龍兮不霖使雲橫兮愁我心弦枯桐兮

我琴鳴鳥不聞今孰爲我音

古意

三首

昨夜起觀星北斗懸中天牛女隔河漢跬步不得前東方有一士被褐露兩肩積雪寒蓬廬中心常泰然高歌商頌篇激烈浮雲旋士心亦何求長爲知者憐

妖慕鈔明月玉川欲剗之惜无登天梯涕泗空漣涌哀哀下和王惻惻魯女葵桓疾諱其疾扁鵲乃見疑長嘯郭林宗高風邈難追

萇弘歿已久其血化爲碧堅貞逾瓊玉光耀貫奎壁豈惟忠誠著乃是元氣積冰霜恣銷鑠刲火屢焚炙不磷亦不繡還爲補天石

向無心下竺維那卷

浮屠清淨世難倫細行威儀總是真方外未能無職事人間應識有君臣靈山一會開緣了劫石三生佛性純從此坦然雲水客木人花鳥度青春

寄葆光子偈

秋雨高槐噪暮蟬芸牋書客思悠然時危已幸身無辱性達何憂路未便魚蠹入書循節缺蛛絲有網遍牕延此時一物無相染莫是渠家得趣禪

狂夫雜興

平生適興多閑話付與時人作浪猜一酌曹溪知水味白雲無意若爲來
雲門道愆讀無隱集云無隱公雖處仕途翼讀王公乃於無隱之法用
隱身之述故能敲空作響與世混同若有耳目聰明文字學者莫能測
其涯涘也吾觀閻門公謁見太宗皇帝時當機一語罄前句後斬盡
萬藤何等劖兩公又有雜興詩云老禪真個野狐精談聒滔天信不行
睡到盡頭無一物碧天流水若爲情此處用得耳目聰明文字學不請
雲門老漢再下一語

小誠意劉鷹

鷹字士端誠意伯基之孫江西右參政璉之子洪武二十三年十月襲封
明年以其叔閣門使事有連上赦之貶秩歸里築室于里第西雞山之
下命曰盤谷洪武丁丑謫戍甘肅越三月太祖上賓放還建文及
太宗皆欲用之以奉親守墓力辭永樂某年卒于家公侯伯襲封底簿據
兵部貼黃鷹以洪武二十三年十月襲爵次年九月卒吾學編諸書並同
致鷹所著盤谷集及括蒼陳谷閒閒先生傳乃知鷹龍官適戌本末且永

樂中尚無恙貼黃載薦以襲封次年卒諸家因之皆誤也余別有考甚詳
鷹有盤谷集十卷盤谷倡和集二卷

東馬都指揮

授散承恩貶薛封全生猶得遠從戎朱衣赤絞關河夢白艸黃沙雨露重
日月遲回華表鶴風雲愁寂鼎湖龍欲持兩淚憑流水送繞秦淮第一峰
會寧道中別姜惟清主事

八千道路邊疆去回首甘涼憶舊游沙寨孤城胡騎接玉關落日酒泉流
哈喇果實供盤饌蘇魯麻鈔解客愁此日故人重會別秣陵歸思不勝秋

列朝詩集

甲集第一終

列朝詩集

甲集第二

袁御史凱

一百十六首

覽時太初一首

袁御史凱

凱字景文華亭人自號海叟父可潛以詩鳴淞中凱幼孤力學少以白難
詩得名人呼爲袁白燕洪武間爲御史上慮囚畢命凱送東宮覆審
東宮遞減之凱還報上問朕與東宮孰是凱頓首曰陛下法之正
東宮心之慈上不憚而罷以爲持兩端心銜之凱惶懼託癲疾辭歸
上使人調之佯狂得免生平負權譖有才辨雅善戲謔卒以自免于難歸
田後每背戴方巾倒騎烏犍往來峰泖間好事者圖以入畫楊鐵厓改過
齊記曰至正九年予游淞邢臺張叔溫携數客來見中一人昂然長癰然
清言議英發可畏問爲誰則曰袁景文氏也王叔明秋山讀書圖題云景
文袁先生以布衣拜御史數月謝政歸讀書淞水之陽九峰山中翛然有
出塵之趣黃鶴山人王蒙爲寫其逸態云海叟集四卷叟手自編定弘治
中陸深子淵購得京師寫本力爲表揚盛行于世李獻吉白海叟師法子

美集中詩白燕最下最傳諸高者顧不傳何仲默曰我朝諸名家集多不稱鄙意獨海叟較長叟歌行法杜古作不盡是要其取法必自漢魏以來程孟陽曰海叟詩氣骨高妙天然去雕飾天容道貌卽之冷然古意二首高古激越雄視一代七言古詩筆力豪宕尠不如意七言律詩自宋元來學杜未有如叟之自然者野逸玄澹疎蕩傲兀往往得老杜興會空同諸公全不悟此七言絕句似乎率易似古樂府亦是老杜法脈

傅岩操

日之將出今余趨乎築之所杵丁丁而不息今汗澑澑之如雨日旣入而始休今飯飧櫬而不飽嚦嗚呼其命今余何辭乎此苦

渭濱操

渭之岸盤盤今其流湯湯我居其下今于今幾霜朝飲其水今莫食其鯉與効我日斯邁今於余心以何傷

門有車馬行

主人堂上坐門前車馬一何廣遠近生塵埃好客不厭多惡客何爲乎寄言主人道結客毋艸艸

江南曲

江南好流水中有鯉魚與雁是汝出取魚與雁是養我堂上姑姑今年老鳴聲嗚嗚聲嗚嗚良可哀生而不能養死當何時回死而不回嗚嗚良可哀

短歌行

昨日舊穀沒今日新穀升壯年不肯住衰年日憑凌日月行于天河行于海海水不復回日月肯相待日月不相待自古皆死亡人亡不能免安有却老方仙人鄭伯儕於今在何方爾骨苟未朽螻蟻生肝腸獨有令名士可以憫情傷

鷄鳴

鷄鳴雙戶間行人出門闌出門一何易入門一何難君今行遠地妾欲致微意燕趙尚豪俠殺人爲意氣鄒魯多儒生彬彬守經義臨岐不惑古稱爲明送子遠遊聽我鷄鳴

紫駒馬

君騎紫駒馬遠上燕山去老母倚門啼淚溼門前路泪亦何時乾馬去無

回步前月附書還置身在郎署月暘旣已多取得尚書女身榮自可樂母死無人顧多謝都里人將錢治墳塋

從軍行

烽火塞上來發卒備戎虜翻翻長安兒力未勝弓弩幸蒙車騎念出入在幕府風煙一朝息歸來受茅土番天李將軍血戰自辛苦

獨漉篇

仰天天無窮俯地地無垠天地自無盡誰爲百年人百年之中人復能幾汝不成人憂我父母

苦寒行

雨雪雨雪淒風如刀我行中野而無緼袍我寒我飢誰復我知四無人聲但聞熊羆罷欲攫我罿復敎我我身煢煢進退不可進固難矣退亦何止還望舊鄉遠隔江海江波湯湯海波洋洋我思我鄉死也可忘

芳樹

芳樹生後園棘生芳樹傍垂來齧樹根終也被棘傷棘傷虫即死樹葉自芬芳忠賢在君側四夷敢陸梁不獨君與臣亦有弟與兄兄弟宜相近不

宜遠相忘相忘亦何難外侮不可當君臣
有方樹辭辭短義則長

遊子吟

遊子行萬里母心亦如之陸行有虎豹水行有蛟螭盜賊凌寢弱風露乘
寒飢誰云高堂安中有萬險危寄言里中子親在勿遠離

銅雀妓

流塵拂還集帳櫛儼然陳歌吹自朝暮君王寧復聞松柏有時摧妾非百
年人願爲陵上土歲久得相親

楊白花

楊白花飛入深宮裏宛轉房櫳間誰能復禁爾胡爲高飛渡江水江水在
天涯楊花去不歸安得楊花作楊樹種向深宮飛不去

送貢先生入闈

日月異行川岳異途嗟嗟我人胡能並居衍衍夫子奕世之儒要孰世華
而味道腴伊余後生固陋荒蕪學匪上達質爲下愚既蒙不鄙通家視余
朝趨函丈夕陪座隅話言諱諱旣霑且濡其霑如何如彼時兩膏液滲漗
萌芽翹舉庶幾有成實堅實好如何翩然遠邁于道肅肅王命孰敢後之

峨峨闢載驅載馳湯湯江流泛泛行舟剽剽僕夫負擔以趨悠悠長林蕭蕭逝波瞻望弗及爲之柰何昔爲長葛松柏是依今爲轉蓬蕩然無歸山則有砠河則有渚嗟嗟我人獨行踽踽天高無窮地長茫茫允矣夫子何時可忘

蔣氏壽萱堂

湜湜黃浦東流爲甫維甫之陽季碩氏居維季碩氏夙失其怙母氏是拊是復是顧是乳是哺燥濕易處不敢失語不敢恐懼母也勞苦既長而教出就于校復因復好克荷克紹母也其蓋嗟嗟我母如彼昊天何以報之維以永年焯焯芳艸樹之于陰翼翼高堂匪高且深維此芳艸其氣揚揚母氏觀止其憂乃忘既忘其憂其樂悠悠無有灾害維康維壽維壽其何如山如河不竭不磨寢食具宜叶水有游鯉陸有枕米烹炙浙洗甘膏叶修瀆酌此春醴于堂之北于堂之北旦日若是曷其有旣我歌我詩置之于相告爾後來告爾後來季也可儀

陶節婦詩

雜賛榮敏江夏啟封何以世家戶侯縣公抑抑節婦實維其孫始由舊姻

遂此新婚翁亦大笑內外自口采覩今儀具曰賢婦其賢維何在于姑嫜
凡百之爲微甚是好夫良妻柔敬之如賓雍雍閨門曾無間言姻親之間
歲時間遺機織素猶同剪道摩執司其權降此後穴昔如兩龍相隨以飛
如何中途羽翼忽乖又如黃鸝離離惜惜一失其雄雌將疇依亦既逝矣
家亦毀矣或號孤鶯將復何倚就既弱女索索空宇載枝載梧越此寒暑
維此寒暑厥誰與哉我豈我寧歎嗟如彼之白涅亦不繼如彼之堅
磨亦不虧蓬首布衣多歷年所不懈不怠有進無阻天相厥德女既有家
庶幾其門不墮以遇昔聞共姜之从靡靡亦有孝婦終養不惑人亦有言
千載一時欲知古人觀此後來山則有杞熙則有正溫溫淑人百福是屬
我歌此詩可配國風實而不浮觀者是恭

徐氏建華亭學詩

渠渠新學徐卿始作伊誰克完季子仲寬維此新學始亦甚隘爰斥長耕
以就于大其大難何有門言言有堂軒軒有廡嚮有階平平高墉連連
鑿池盤濶樹木茅茅凡民之俊其來如雲小心鞠躬不恤以勤雖音玄聖
訓言斯明百工居肆匪肆不成嗟嗟爾攸旣知止豈徒誦言厥有徵言

其旨維何曰仁與義明明仁義不遠甚邇爾求其方先我孝悌維此孝悌爲仁之始始于家邦終于四海昔爲棫樸今則棟樑昔爲砥礪今焉疇興是蓄是儲邦家之需嗟嗟爾俊克就茲美誰其始之徐氏父子徐氏父子可謂曰賢我歌我詩刻于學宮以告後人以永其傳

荒園

莽莽荒園陰陰霧靄雜以灌木帶以蒿萊蹊鼠蹕蹕鴟鴞嘯冥中有一士惟悴形骸三世不顯終身無媒冠裳旋裂毛髮蓬鬆食無餘擗室有浮埃朝食井李夕蔭園枝奚有琴冊咏歌喧庭亦有流泉載沿載潤豈不辛苦聊用徘徊昊天賦命如彼之材卑不可抗高其能摧貴賤賢愚孰能遷推尼父天縱回亦奇才厄陳屢空曾無歎嗟明聖軌烈烈高懷景行先哲敢不欽哉

賦耕隱

維古四民次二曰農雖及我私豈忘子公沮溺之徒始爲隱滄浪滔滔不歸乃潔其身溫溫黃生在彼原畛旣耕旣耘遂名爲隱其隱緝何無與於世左餼右粥聊以卒歲人亦有言可仕則仕苟非其時進退由已嗟嗟衆人

不惟其危朝趨夕辟終躡禍機惟生之爲彼善於斯悠悠我心樂且無灾

賦許思敬真率軒

遂古之初民性質朴不侈不靡燔不押豚汗尊杯飲取足而已淳風旣漓日趨於卑如彼流水食必方丈器必雕鏤蕩然無紀其或不然有後言爭笑迭毀洛河之南大賢是居思釐其圯倡爲真率以究其源以窒其委真則無僞率則易成亦克爲禮惟許敬氏恭儉和易深用仰止大書于家朝父是瞻庶蹈其軌悠悠之徒旣沾旣濡曾不知此艸木無章發爲聲詩敬贊德美

與倪元鎮飲得江上雨

霖霖飄無際凭闌千里陰芳田泥泥清波望沉沉楚客帆已重吳宮樹轉深歸鴻無肅羽別渚有哀吟子知此時意第識故園心

賦得泰伯廟送倪元鎮

剪商肇基迹傳季忠逮聖兄弟逃荆蠻讓德一何盛千家聿來從勾吳始開境遙遙至裔孫欲大心逾騁深官貯妖麗高臺瞰遐邇旣拒伍胥忠還甘太宰佞鄰邦樹讎怨上國肆爭競社稷終變遷軒楹獨正相傳在間

里酒掃改嚴淨歲時具牲醴歌舞勞送迎楚鬼久無食越魄誰將祭強暴
有涙晦聖哲無終竟於焉送將歸舟船得依並是時春氣和氤氳滿芳逕
渚花動幽彩汀蒲發深艷江水去不息烟霞日將暝歛衣拜階下懷哉起
孤咏

賦得綠珠

於越山水秀自古有名娃綠珠雖後來聲名天下誇明珠蓮盈斛輕綃亦
論車衆人不能得獨向石崇家名閨臨紫陌高樓隱丹霞文犀飾因檻白
玉綴簷牙爲樂未及終奇禍忽來加厚意何可忘微命何足多委身泥沙
際終令後世嗟殷女曾滅國向衰亦亂華古人已如此今人將柰何猶勝
中郎女清淚濕悲笳海叟西賦綠珠殆爲楊完者聘秦相之女而作也

題陶九成南村艸堂

多士方見材斯人乃梧樞秉心自超越當時識趨舍迢迢溪南村流水亦
清寫艸木發深潤里俗況清雅於焉事結構面勢臨曠野分明治畦町日
夕供灌灑秋菰已堪煮春菰行可謝子真久在谷勿安去諸夏嘗雜既云
遙憂患茲爲意願謝鶯鶯從君鵝豚社

題葛洪移家圖

當時司馬秉恩駛回不慧牝鷄肆淫虐骨肉反吞噬淵聰乘時起諸夏受其敝瘳瘳遂東來單弱何由濟賴此晉夷吾艸紳正神器國步未盡康禍亂亦遄至王敦反上游蘇峻復凶悖淵頴已云亾超雅從茲斃葛生當是時幡然息遠逝駕言覓丹砂神仙或可致青牛載妻子昇冊付奴婢遙遙向南海蓋欲避斯世羸秦亂豈首畱侯佐高帝婉婉幕中盡取勝千里外韓彭旣誅醢相國下廷尉辟穀訓人間赤松乃吾契明哲終保身疇能測其意生也雖後來心迹頗相類茫茫宇宙中清風無際斯人不可見撫卷增歎喟

夜經胥浦鄉新被寇

丙申冬

枯蒿沿汎雪初集青泥小岸硬復濕艸裝斷盡餘兩耳十步九倒何由立空邨無人不敢入野狗齶齶累百十溝水死人血未乾終夜冤魂自相泣

夜歸

黑風漫天天雨汁海水瀉瀉如山立沙頭舊屋四角崩艸茅無人不收拾此時歸來夜將半短衣無綿滿身濕西隣燈火喚不應飯令欲食何由食

老夫

五首

老夫避兵荒山側三日無食在荆棘鞋襪破盡皮肉碎血被兩踵行不得
予時瘦妻實卧病十聲呼之二聲應夜深困絕倚枯樹逐冤啼來雨如注

逐冤怪鳥啼則雨

老夫避兵黃浦上八月秋濤勢迫壯蛟龍變化不自謀鯨鯢偃蹇還漂蕩
紅中小兒懼且泣婦女嘔吐無人色我獨兀坐面向天篙師疾呼更索錢
老夫避兵三江口江中夜夜蛟龍吼若然一聲腦欲裂千尺長隄忽如走須臾
海門風雨米江水震蕩如奔雷同行百紅牛沉溺無力救之空歎息
老夫避兵三泖邊泖水闊絕無人烟惡風三日天下黑濕雲臭霧相盤旋
艸頭飛虫齧人肉更有青蛇口尤毒小兒無知恣奔走我欲近前捉其子
老夫避兵東海頭海風吹衣夜颶颶黃蒿斷岸少人迹飢鳶無食聲啾啾
狐狸向人呼姓名兩脚直立當前行自信從來膽力壯此日對之魂欲喪

賦朱煥章所育鵠

朱家有鳥名鵠鵠意度自與凡羽殊冥盡時時近丹穴夜宿往往歸蒼梧
當時六翮須無禁何乃困頓來庭除玄雲飄蕭羽衣碎俯仰飲啄隨人意
空簷燕雀亦何心喧噪追逐無寧地孤雌孤雌復何所落日煙波隔吳楚

沈思當日伉儷初豈料如今各鶴旅衆離衆離尤痛惜父旣不歸無可食
縱有弱母汝念深浪高風急身無力我言鶴鵠君莫嗔忍恥含悲度此身
不見四海于戈際多少思家失路人

病阿速附速蒙古別號也

杭州阿速病可傷況復四體多金創口糧開除但乞丐終日哀鳴行路傍
自言家在雲中住兄弟旣死惟爹娘往年江南妖賊反聖旨差我隨平章
同行二千五百輩輩選用皆精強孰知江南風土異不比中原盡平地
中原地平好馳逐一人騰驤萬人廢江南地卑山林密泥深馬滑無由立
角弓着兩軟如綿咫尺相看不能射九月十月歲云莫賊兵突入觀音渡
平章脫身向東去太半盡死無人顧我幸不死病已危丞相被逐無依歸
異鄉此日誰相慰只似天邊孤鴈飛附速蒙古丞相答議帖木兒爲張士

王叔明画雲山圖歌

有客來自高句麗遺我一幅丈二紙纖白只如松頂雲光明不減吳江水
藏之篋笥今七年妻孥愛惜如紈綺至正乙巳三月初王郎遠來訪老夫
陞堂飲茶禮未畢索紙爲画雲山圖初爲亂石勢已大橐駝連拳馬牛卧

忽焉坡地高入天欲墮不墮今人怕破其陽倒掛扶桑日其陰積雪深千尺日射陰崖雪欲消百谷春清怒相激林下丈人心自閒被服如在商周間問之不言喚不返源花莫莫愁人顏老夫見之重嘆息何由致我共絕璧王郎王郎莫愛惜我買私酒潤君筆

觀朱澤民所画山水有感

朱公畫圖愛者衆聲價端如古人重王卿鉅公數見尋往往閉門稱晚痛我時挾冊遊郡城朱公愛我詩律精時時沽酒留我宿共聽西窓風雨聲清晨起來忘洗盥短衣飄蕭臨几案太行中條眼底生若岫冥冥氣凌亂禹鑿龍門疏洚水根入黃河源不斷南及衡陽抵桂林東入會稽連海岸是中寘我一畝宮正如浮萍任江漢溪流涴涴石齒齒夾桃花途遠邇原頭烟霧散雞犬屋裡詩書雜童稚扁舟迷來知是誰豈是昔日鴟夷皮五湖鯁菜殊可樂千古功名何足奇只今四十有三載公竟不歸画箋在世間好手豈易得終日紛紛勞五彩感時念舊心獨苦況我頭顱白如許呼兒捲却不忍看白髮高堂泪如雨

徐子修西山水歌

夏家高堂生晝寒徐卿画圖墨未乾深山大澤貯烟霧黑處似有龍蛇蟠
襄陽小米師董原妙處不受繩墨牽頸刻萬里皆自然房山尚書世稱賢
化爲白雲滿晴巔李家將軍極清妍畏避退縮不敢前至今海內人爭傳
卿惟得此二家意損益往往無礙滯意畱記焉造化先筆

前年爲客寫林麓百道飛泉出幽谷老夫醉來不敢眠深慮波濤捲茆屋
長隄曲坂路如線遠入深林時隱見水止人家不閉門門外幽花滿芳甸
徐卿徐卿我所慕廿載相看髮垂素安得瀟湘千尺水更画城東種瓜處

陶與權宅觀張子正山水圖

翰翁畫圖眼見稀自言愛之重珠璣清晨掛向艸堂上已覺几案生烟霏
蒼梧雲深衆鬼泣笠澤雨重群龍歸崖深谷黝望不極獨有黃鵠摩空飛
飛來潭上啄丹實牽動百尺藤蘿衣藤蘿飄蕭露石角林西更見幽人扉
幽入長年不出戶薇蕨短小身常飢嗟嗟此是誰氏筆張君吾友精天機
君家祖父盡卿相門戶貴顯中衰微讀書學古有至行粉墨特用相娛嬉
憶昔東城飲春酒汪家林木含春暉當時揮洒每見及破屋往往增光輝
自從喪亂盡失去至今夢寐猶依依偶來此處見此本欲去不忍徒歎欷

行當買紅秋浦上請君同作釣魚磯

王若水爲画秋江衆禽圖

錢唐王宰心思長欲與造化爭毫芒下筆百鳥相趨踰前身豈是孤鳳凰
江頭芙蓉花正開花下細浪亦縈迴鴛鴦貼天際來雄雌相隨氣和諧
一雙鶯鶯睡沙尾野鳬翩翩唼菰米羣鷗爭浴故未已傾落枯荷葉中水
鶴鵠飛飛多急難雎鳩意度誠幽閑乃知良工有深意不在丹青形似間
姑蘇臺前秋氣孤五羊城下烟疎疎此時此景真相似獨少扁舟歸釣魚
宰也只今成老夫愛我不辭爲此圖我今親老無可眷憇勿重添反哺烏

送曹生從師

白沙入泥沙自黑蓬生麻中豈不直生子當置鄒魯閒禮義薰陶易成德
三江雪花沒馬牛曹生扣門言遠遊天地苦寒子何往負笈從師清渺頭
簪君爲儒我所知規矩進退無差池座中弟子十餘輩森森玉立多容儀
子往拜之聽教誨師嚴友親各從類一賓爲山古所聞百川與海終相會
他時還鄉拜庭闈百年門戶頓光輝里中父老皆稱歎勝似蘇家相國歸

送齊文韶歸東阿

江上晴雲晴復濕落絮飛花滿原隰此時君扣主人門七尺長身如鶴立
自言稷下舊諸生奉命江南宰山邑三年仕宦多變故八口飄零少收拾
只今零落江海邊終日遑遑但憂悒主人聞之不暇沐握髮出戶遽延入
淨掃南軒催下榻更開西第同宴集時余挾冊依主人升堂再拜還相指
一時愛厚忘爾汝況肯墮屑論階級朝向春園恣遊衍幌席雪案同溫習
邇來條忽將五載歲月荏苒如呼吸君居北海我南海馬牛之風豈相及
偶然相值若弟兄信是前生有因縛今晨忽言歸故鄉主人錯愕余驚惶
干戈未息多盜賊霜露旣降無衣裳君言孤死尚首丘况我先隴安能忘
聞君此語良可傷欲留不留空斷腸殷勤勸爾一杯酒明日思君江水長

大醉後率爾三首

白頭儒生何所作獨把塵編海邊半上書格君事已晚殺城北冥力尤懦
四十無聞五十來不如牛馬空長大
身是江南儒家子十五學經二十史低回欲得聖賢心浩蕩更覓先儒言
當時自謂才可重晉料中年人不用白頭總得漢上田手脚生疎不能種
腐儒學經經不明腐儒欲耕無地耕讀書耕田兩無成不如相隨劇孟輩

博錢哭酒洛陽城

江上送高文起夫分韻得暮字

青春送客黃家渡千里汀洲帶芳樹
烟中歷歷白鳥來日景孤獨綠舟去
主人置酒江上扉遠客哦詩水邊路
明朝花落更思君海東月上青山暮

將帥

將帥多兒戲朝廷望賊平幾人思報國
何處有全城未識龍蛇陣頻遭大
威驚亞夫軍細柳千古漢家營

聞誅李羅帖木兒

乙巳十一月

國步雖微蹇天心自可稽爪牙翻噬噉宗社欲顛擠蔽日朱旗入連郊
騎嘶紫垣通狴淪玉座接鯨鯢聖哲元無惑晨昏且暫撫濟河聲杳杳幽
蘋色淒淒密詔親傳罷中軍氣欲迷登壇惟慷慨撫劖亦悲悽敵愾心逾
切勤王力自齊義聲驅海岳直氣決雲霓減竈秋烟薄吹笳夜月低指麾
容艸艸進退合祈祈忌器非忘鼠憂苗更惜移逆徒從剪伐元惡待屠刦
肘腋能無意神靈況夾批呂侯初受命董卓已燃脣雲雨蘇煥熱江河濯
障漫萬方深慰望九廟實安插天闕婦龍種雲山識馬蹄問安紅玉趾視

餧入金闈膝下歎仍舊中宮樂未睽清秋多宴會仙仗日東西宮女花垂
鬢都人酒滿押里間聞羌語燈火雜孩提白日依中道青春入故畦遠人
來服食絕域盡航梯世祖功如在今王敬日隋鼎彝銘將相衽席措黔黎
淮海休波湊湖湘尚鼓鼙旣聞誅柙虎莫自爭醉難禁逆忘身首忠賢荷
璧珪休同鬼竇輩終快一丸泥

送孔提舉航海歸曲阜

宣尼老孫子白首更長身家世誰能念子弋獨愛貧未聞典禮樂還似泣
麒麟今日乘桴去魚龍莫惱人

客中除夜

今夕爲何夕他鄉說故鄉看人兒女大爲客歲年長戎馬無休歇關山正
渺茫一盃椒葉酒未敵泪千行

出三江口有懷錢野人葵

處處無歸路悠悠且逝波汎花風外少江樹雨中多吹笛蛟龍聽閑窓鶴
鶴過高人著書手頭自蹉跎

送李高士歸荊州

南京高宴罷西上遂言歸江路猶殘雨荆門正落暉
生仲蔚宅秋入老萊衣明日思君處蕭條鴻雁飛

懷陶叟

陶叟今何在迢迢江水東瓜田連暮雨荷屋近秋風本在羲皇上聊遊鹿
豕中幾時春夜飲還對燭花紅

陪楊廉夫登朱涇法忍寺閣次壁間韻

伍子行師日秦皇駢輦辰英雄無處所樓閣半天神白鳥晴沙遠雲山錦
樹新誰知千載後懷惻吊斯人

遷居

舊屋非吾有新居亦借人往來皆是客到處只爲隣雞犬遭羈縛妻孥厭
苦辛長歌燈影下命也復何嘆

遠客

野客頻經雨深林獨閑門故人俱殺戮稚子共朝昏城郭無歸路江湖有
斷覓夜寒燈焰短嗚咽對殘銷

書寓所壁

野水連斜屋秋林正壓床把書驚眼睛嗜酒覺身狂王伯功名切江湖戰
開忙分明故園路歲歲欲相忘

丙申歲書懷

素書猶在鏡白髮忽盈簪空費千金座何嘗一稱心呼鶴秋岸遠飲犢夜
江深欲問三遷術陶朱不可尋

贈張鳴善

白帝城中客清秋碧海旁乾坤方濶濶身世獨遑遑萬里空形影全家墮
虎狼悲歌三百首一一斷人腸

寓所卽事

沙水寒猶淺江船遠未來舉家憂米糧終日走蒿萊骨肉還相棄交游定
莫猜癡兒飢困久愛父強徘徊

寓所寄何彥明

門倚秋沙白肉含野樹黃稍能親雁鷺也覺遠豺狼舊矣從渠短新詩頗
自長何郎寂知我酒熟定能消

遊會稽山

山賣楊州鎮人踰浙水來禹功縣白日祭刻卧蒼苔龍起梅梁去神遊石洞開明朝有餘興更上越王臺

懷張叟

說劍真無匹論文亦有神氣高真傲兀頭白自漂淪我正思前輩誰當繼後塵江南春艸綠何處覓行人

夜泊鎭鄉城

江水春逾潤山雲夕更深移舟沙樹底拄杖古城陰鴻鷹攬人去蛟龍入夜吟故園雙淚眼拭斷更沾襟

登浦上閣

高閣春波上登臨獨愴然故鄉從此去久客未言還花好誰家屋帆輕何都船朝來有微雨應灑郭西田

送張七西上

楚客舟航小吳門雨雪繁兵戈方浩蕩江海失攀援濁酒非能醉深交不易言明朝空寂寞獨對野人圍

江上早秋

丙申歲作

靡靡孤蒲已滿陂菱花菱葉共參差卽從景物看身世却怪飄零枉歲時
得食野鬼爭去遠避風江鶴獨歸遲干戈此日連秋色頭白尤多宋玉悲

江上書懷

滄瀆城邊秋氣高駕鵝鷺各求曹不眠更識匡床穩欲太還思小几牢
幾處又書俱寂寥百年雙鬢獨蕭颯秋江欲渡愁難渡風雨龍吟長怒濤
和王叔善祀天妃有雪

聞笛

酒正初傳內府醪南來河伯避行舠百年祀事崇那與半夜神光出海濤
花散曉風紛爛熳禮成春殿肅清高聖躬端爲蒼生禱不比乘槎漢使勞
非故園

滄瀆龍王廟晚眺

滄瀆高城今已殘獨餘木葉洒驚湍風雲浩蕩時將暮江水蕭條龍亦蟠
千里吳鄉多戰伐孤舟蜀客轉飢寒弊裘涕淚兼新舊終日思家敢怨歎

南村

南村烟樹接蒹葭，白鷺翻翩滿白沙。
此地遂成茆屋計，何人更識老夫家。
卽開斷壁行新竹，便接平臯樹雜花。
戎馬紛紛終未已，此身泛泛獨長嗟。

兵後大醉陶與權宅丙申九日也

酒到愁腸味頗醇，醉花因白髮更精神。
兒童休笑燈前舞老子，今存死後身。
何處江湖爲樂土，誰家門戶有閒人。
多情獨有陶徵士，醉過清秋不厭飮。

春日溪上書懷丙申歲

溶溶春水雜蒹葭，嫋嫋晴風度落花。
小巷幾時佳客至，新詩獨向野人誇。
未聞汗馬收諸國，且逐閒鷗坐淺沙。
春色酒盃俱在眼底須辛苦，欲還家。

久雨

荒村處處聞流水，艸間時時自掩扉。
庭樹葉深沙鳥宿，野藤花退蜜蜂稀。
只將書卷消長夏，更倚漁舟送落暉。
天意未教戎馬息，老夫漂泊敢言歸。

丙申三月一日北山雨望時張士誠據吳

東雨蕭條江上來，隨風霑灑氣幽哉。
陸機茅屋終難住，伍相祠堂亦可哀。
獨客飄飄何處去，孤帆寂寂幾時回。
時浙省使臣詔竹枝聲斷滄江暮，短髮

無辜獨受辟

池上書懷

野水寒冰上曲池薄雲斜日下疎離黃蒿處處迷歸路滄海年年少故知北望朝廷非昔日東來兒女更依誰老年拄杖猶無力況是飢寒氣血衰

張叔溫諸公携酒至泖濱明日作此奉謝

八月風高鴻鴈飛三江潮落蟹螯肥已拚白髮如秋水不厭清尊共夕暉
氣浸遠連豺虎窟波濤晴晃芰荷衣揚雄舊宅城東住騎馬歸來月滿屏

大雨書寓所壁

五月六月雨綿綿東望黃浦水連天小溪漫漫不可渡高岸兀兀何由全
家童種荷已穿壁野老捕魚還滿船南隣少婦亦可惡濁酒盈缸須見錢

秋日海上書懷丁酉歲作

寡妹城西消息稀老夫漂泊幾時歸朝廷計議知何意丞相征行事已非
東去鯨鯢方作橫南飛烏鵲正無依可憐白髮孤村裏終日哀哀賦式微
舟次上海縣

海上驚風亂鶴飛千村霜露亦霏霏清砧自是逢秋起白骨何由遠道歸

戈甲只殘蠻蠻命江山終屬虎狼威自憐此日身將老況復中宵淚滿衣

孟陽曰可謂氣骨高妙

海上書懷

丁酉歲作

十年不見鸞鶴軍千里猶殘大寇羣涕淚每從天際老徵書誰道日邊聞
荆蠻戰瓦心猶忍淮寇平來地已分莫怪腐儒東海上時時哀怨動秋雲

寓所二首

丁酉二月

艸閣閉庭春水邊雨落風柳自紛然隣翁對客還爭席水鳥依人欲上船
西北朝廷無使節東南城郭有烽烟老夫避地非遊說正少蘇家二項田
西齋春樹日陰陰下有飛花一天深幽趣未容他處坐新詩只向此中吟
隣翁小圃春相接漁父扁舟晚更尋歸去故園應念此他時懷抱亦難禁

登虎溪閣

秋深時節雨霏霏獨坐江樓看鴈飛煙火數家山郭晚逢檣幾處野航歸
謀生計畫人皆笑投老鄉關事已非問道淮南新易將江湖此日亦沾衣

秋晚東海寓舍

落葉寒蟬小巷深枯藤斜日半墻陰賓書稚子當軒坐爲客衰翁倚杖吟

滄海未知終老計白頭難忘故園心弊裘零落餘雙袖清泪年來似不禁

沙邊

沙邊細路少人行只有閒花樹樹明水閣經春塵自滿風簾終日鳥爭鳴
躬耕豈願將軍顧肥遯聊成處士名白鷺晴烟滿平野老夫於此最關情

次楊廉夫先輩韻

吹笛春江烟霧稀幽芳小艸總相依巫峽寧知雲雨夢滄洲欲拭菱荷衣
花間鶴鶴迎人起波上魚龍挾棹飛不似南州庾開府鄉關頭白苦思歸

姚性存將歸鶴沙以詩見別次韻

十年避地誰知我此日看君自可人空谷正思駒皎皎清溪還度石磷磷
韓公住處皆荒服區冊歸時及早春聞道沙邊風俗好老夫東望欲爲隣

壬寅九日

野老園籬江水東溝溝夕露滿幽叢已斂短髮從天白未厭秋花特地紅
身世只今惟仗酒安危從此不鬪儂神交賴有陶徵士達地休官意願同
過楊右丞墓

鐵騎千羣下九江將軍才氣古無雙晉傾淮海鯨鯢窟痛洗東南禮義鄉

關羽不防吳寇入費禕終惑魏人降腐儒更國思家淚獨向西風灑石缸

寄南臺椽朱自明時初復役

世祖行臺列俊賢椽郎家世本儒先一時人物青雲上十道風霜白晝前
最愛羣公文薦日正逢天子中興年腐儒飢餓干戈際欲買山陰雪後船

白燕

故國飄零事已非舊時王謝見應稀月明漢水初無影雪滿梁園尚未歸
桺繁池塘香入夢梨花庭院冷侵衣趙家姊妹多相忌莫向昭陽殿裏飛

別本起句云老去悲來不自知是後人繆改

附見時大本一首名太初常熟人

白燕

春社年年帶雪歸海棠庭院月爭輝珠簾十二重閒捲玉剪一雙高下
飛天下公侯誇紫領國中儔侶尚烏衣江湖多少閒鷗鷺宜與同盟伴
釣磯

楊儀驅珠雜錄曰時大本賦白燕詩呈楊鐵厓鐵厓極稱珠簾玉剪之
句袁景文在坐曰詩雖佳未盡體物之妙驅夫不以爲然景文歸作詩

翌日早之鐵厔擊節歎賞連書數紙盡散坐客時呼爲袁白無以此得名李獻吉曰白擣詩最下最傳非通論也

送曹新民歸東州

十年西浙曳長裾千里東歸指舊廬原上鵠鶴終有托旅中贏博近何如朝廷未擬申公使弟子猶傳伏勝書江艸江花總無限爲君今日重嗟吁

賦綠珠得車字

緣珠初嫁石崇家細馬輕駕七寶車已用明珠爲啞面更輸白璧教琵琶日日東樓傾美酒朝朝西苑看名花只爲恩深不相棄還將玉體委塵沙

觀王生所藏王維画

右丞小景樹參差我有林塘實似之日日欲歸還踏蹬時時借看解愁思恨無黃鸝高飛去獨奈沙鷗靜不移明日江頭候春水典衣沽酒待高師

浦上木芙蓉盛開劉黃鶴山人共觀

江浦芙蓉色正深清霜點染更沉沉孤舟向日曾親見鮑褐年今欲遠尋已擬携樽同野客不妨展席對沙禽明年管痛應全愈移過東關野木陰

野航爲范子俊賦

一舸裏猶野水邊渚禽沙鳥各紛然幽花構棹初維岸聲水連隄忽上天
世上風波終未已江南烟雨正堪眠他日絕尊罍我飲更憑孤鶴問坡仙

鏡中梅

的礫孤芳野水濱折來應是曉班人墮池風暖香初散銀漢春回跡未真
奔月定知猶有影凌波却喜不生塵綠毛名鳳無栖處來往蘭房不厭頻

題趙王夜宴圖

玉戶金缸夜未央郡宮裏秦絲簧鄧姬已醉韓姬倦誰拂君王白象床

題吳王內涼圖

微月糾侵響屢廊芙蓉清氣滿金塘鸕鷀只傍闌干宿也愛君王白象床

題吳宮衰柳圖

遠岸依依落日明吳王醉處少人行多情獨有垂楊樹猶迷深宮夜雨聲

遺懷

白髮三江一腐儒長年耽酒不就尋偶逢世亂無生計落日烟中自把鋤

日莫卽事

茅屋秋來破不勝野雲沙澍自層層老夫生理今拋廢日日江潭去採菱

費夫人

官軍鷹賊着紅巾苗獠來時更不仁若道南州無節婦請看東海費夫人
楊員外

羣盜南奔日月昏諸公臣節不須論白頭惟有楊員外不負從來天子恩
聞山東消息三首

王事私恩不共天益都城下枕戈眠鯨鯢戮盡爲京觀工孝臣忠億萬年
李忠襄死益都城下在壬寅六月是捕虜初總兵圍益都之日也

縱道山東杜石傾華夷黎庶不須驚張皇國勢如平日磨事新來總父兵
從今父老不須悲簷事英名四海知漢室中興吳楚破條侯元是絳侯兒
陪鄭明德倪元鎮遊天平山四首

官河春水綠悠悠水上人家盡画樓買取吳娃二月酒放船直到百花洲
高臺子尺對層巒只許吳王醉裡看山色不隨勾踐去遊人還得倚鬪于
鄭監風流老不衰倪寬頭白更應痴吳越英雄已泥土欲從江海問西施
百花洲上百花開花是吳王舊日栽吳王去後無消息衰殘看花人自來

醉後口號二首

新書欲獻帝王家奈此家貧道路賒醉卧江村風雪裏時時自比賈長沙
誰人更識賈長沙老作江南百姓家但使瓶中有春酒不勞勸吳興長嗟

馬益之邀陳子山應奉秦景容縣尹江上看花二公作竹枝歌子

亦作數首

吳淞江上好春風水上花枝處處同得似鶯鶯與鵝鵝時時來往錦雲中
水上花枝日日開行人頭白不能來請看門外東流水漁郎滄溟更不回
江水東流更不回行人白髮苦相催只恐明朝風雨惡夜深燈燭亦須求
千株雲錦照江沙沙上青旗賣酒家莫怪狂夫狂得徹吳姬玉手好琵琶
吳姬玉手好琵琶小小聲名到處誇但使主人能愛客年年來此看江花
江花紅白最堪憐莫惜看花費酒錢他時白髮三千丈縱使蠚來不少年
黃家渡西多好春黃家渡上酒能醇看花喫酒唱歌去如此風流有幾人
寒食清明正好春看花須着少年人少年看花花自喜白髮看花花亦嗔
松江水碧碧如天水上行人坐画船記得吳兒竹枝調爲君高唱百花前
日日花前金叵羅百年能得幾經過花開花謝人還老狂客狂吟莫厭多

寄語看花江上人清明時節好來頻清明節後多風雨風雨頗狂惱殺人口號一首丁酉歲作

白沙鄉裡今年熟清酒家家味頗醇明日杖藜行處醉只愁齁睡惱比隣

集外詩一首

蚊

羣蛇戢戢方鬪爭蝦蟆螬姑相和鳴百足之虫行無聲毒氣着人昏不醒
蚊蚋雖微亦從橫隱然如雷吁可驚東方日色苦未明老夫閉門不敢行

列朝詩集

甲集第二編

列朝詩集

甲集第三

表御史凱

在野集古今詩一百八十八首

新除監察御史辭貫涇別業

側席念賢俊旁求逮凡鄙謬當南宮薦重此柏臺委命嚴孰敢後中夜去
田里鄰友贈予邁切切語未已妻孥獨無言揮淚但相視千時十月交悲
風日夜起輕舟泝極浦琴瑟嚮枯葦驚鳴亂沙曲孤獸嗥荒市回首望舊
廬煙霧空迤邐撫膺獨長歎胡爲乃至此顧予久縱誕遠迹隨鹿豕及茲
年已邁精氣固銷毀趨事深爲難速戾將在是皇恩倘嘉惠還歸卧江

水

下直懷北山隱者

載筆侍雲陛向夕始餘閒撫彼清冷觴慰此憂戚顏出軒月纔皓臨街露
已繁廣庭行且止修檻太復攀幽樹藹深翠餘花發微殷俯仰不知夕星
漢忽西還歸來空房卧嚴城漏欲殘鴉鳴九井動劙珮亦珊珊將隨夔龍
後祇肅謁重闕緬懷息心侶遺世在雲山焉能從之去逍遙巖桂間

答禮部江主事漸

谷鳥嚶其鳴求友聲亦屢况生烝民間豈不念朋助齊魯久客訪梁宋亦
馳騖末路值伊人憐然樂平素文義旣馴雅操存復貞固輔仁將在斯有
挾非所慮欣然得嘉音終歎少暇豫頤贊宗伯禮于牽中臺務俱限清切
地日夕徒思慕慈辰委篇什衷情極披露綱繆卜鄰意委曲耕稼訴靖節
休官辭安仁歸田賦二千不可見千載同軌度嗟予甚蹇劣竟復希高步
聊伸菲薄意用答賢俊顧東歸果能遂林廬得依附杉榆輝映帶雞犬互
來去閒因每賞新散帙共溫故茲意幸勉旃歲久恐遲暮

察院夜坐

之散車馬寂月色東城上歛衣高堂坐重門靜無聲文卷屏在懷朱墨委
虛幌簷影望參差霜氣紛蕩瀼耳目幸無役心意多遐想閨廬日應散蘿
葛春還長況茲綱紀地主事方鞅掌安得春江棹東原歸偃仰

淮安道中

花明野館靜樹暗流鶯語行雲千里來凌亂傷心緒傷心復何事家在江
南渚日暮冥回頭脉脉江南雨

適揚州

淮海表茲郡東南誠要津近代亦雄藩親王蒞斯民涒累自茲入燕趙亦來臻舟車無停運華貨若丘墳冠蓋充廊里歌吹咽城闕美酒旣如渑梁肉夾道陳休養近百年富庶難具論大道無恒處榮悴每相因風煙一披拂奄忽同埃塵空屋嘯蹲鴟虜墳走驚磨雀蒲交四野骭骼儼若新貴賤不復知賢愚安能分子有山陽遺經過屬秋辰憑高肆遐覽落日無行人欲繼蕪城作薄劣愧參軍

京師歸別業

郊園艸已遍雜卉駐餘春遊絲牽木杪孤鸞鳴水濱羈人懷舊居日夕自傷神遙遙千里途豈復念苦辛欣然入塲圃兒女各來親當軒釋負檐拂玉衣上塵老夫行役久歸來志復伸陶潛愛清風張生思故草援筆爲此詩示我隣里人

新得谿上茆屋

食肉賤糠覉飢人安敢辭狐貉輕短褐寒士爲固奇自予遭世故舉室盡流離東臨滄海岸北度三江渭蛟螭時作橫鯨鼈屢見歎展轉及衰暮始

見此門楣徒壁類司馬上漏似原思既無陳平席豈有董生帷覆賓或成
牆編葦聊當籬迢迢白沙岡當戶勢逶迤遙秋浦波臨軒散漣漪翻
野鳥群參差灌木枝賦此平生意庶爲百世規湫隘誠可哂欣幸方在茲
新治圃成

隙壤所自治剪荆去龍茸幸無焚穢雜況此清泉涌灌滋竟朝夕勾萌各
森聳青蒲已彌澤黃瓜方卧龍春善向堪把秋梨日應重自余通宦籍職
事勞紛冗祿食雖云美私心恒自恐歸來得蕭茆采擷聊自奉且遂丘園
樂永謝承明寵

出西郊

谷陽門西路瀝汨澍清川舟艤相蒙帶蒲荷亦芊綿依依望江渚漠漠吟
湖田湖田今有秋老稚飯紅蓮此實父母邦亂離乃弃捐垂老幸得歸不
識陌與阡卜築願茲始逍遙終百年

復出西郊

步出城西門春岸多流水唯沙鴈去飛飛江雲起居民亦何事南訥將
耘耔提携汀沙際吳語煙霧裏自予離兵燹甘載勞轉徙歸來展遊眺泫

然懷我里餘年幸有待崔
昌終可理

遊西野

吳王逐獸地士衡聞鶴亭古人不可見荒原今獨行遺堵微若存阡陌復縱橫依稀望極浦迢遞盼春城江樹旣曉靄原花復晶熒長煙覆漁屋白水亂鳧汀山川豈云異人事有消停卽此傷往時聊復樂其生寄言後來士此理可自明

懷廣西省朱郎中熙

洞庭秋色晏蒼梧雲氣深夫君萬里去山水迴沉沉竟日凌浩渺連天迷岑崟鼉鼈遊近渚猿狹戲遙林薜荔杜若香蕭條楓樹陰皇朝重茲土遠珉方致琛而我將何念歲莫獨離心離心一何極日夕遲徵音衡陽鴈不到搔首更沉吟

自楊子舍舟步入常熟縣

水行已兼旬舟檝苦馳逐晨昏侷鮫鱸出入同鴈聲黑風無終竟白浪仍反覆鏗鎗絕天樞湧湃折地軸旋淵屢傾墜利石時抵觸淪喪固非遠哀顙寧辭贊皇天實陰篤茲辰遂平陸神鬼息漂蕩手足散頑木徒侷紛來

慶酒哉及奴僕況茲春氣和百艸回新綠山桃亦多花逶迤自相屬粉榆已在邇曠隔無再宿從茲謝奔走且飯東臯橐

書北山精舍壁

夙昔慕幽曠中年值奔走及茲始知返顧已成皓首茲爲山水遷風氣固深厚翠律皆蠟崿綿邈盡林藪清泉瀉幽磴白雪被層阜旣多緇素流況有耕釣叟初心已云協雅言得兼受始來疎梅墮復此山櫻剖庶幾去日遙誰謂行當久揮手謝朋侶吾將寄衰朽

送吳本立歸吳門

九月氣已肅蟋蟀入牀下囬離南來鴈寂歷江上雨傷哉遠歸人斯時不遑處豈惟懷鄉里坐城久暮莽樵蘇無可禁奠謁曠時序長年抱憂感憤轡將誰語茲行遂初志況復念勤苦勾吳不可見迢迢望煙渚

久旱雨後行園

旱雲不可沮丘園生意窮吉蓄已無遺何以御吾冬昊天無終極玄化沛神功密雲興四郊飛雨蔽遙空涸池旣甚蕩長溝復淙淙衰茄漸回紫梨亦高垂紅堤柳更薄陰汀花還短叢荒壠愛登陟平林望青驥卽此已偷

悅固知冠疲農愧無詩人德何由歌屢豐

送縣學生顧立夫歲貢入京

霰雪殊未已山川氣方沴千里向蕭條胡爲事奔赴明廷策多士歲貢有
程度海隅蒼生地慎遷恐違誤況茲生民秀聲聞兄庠序居然瑚璉器匪
但才華富茲行協輿論拭目俟騫羣朋游極追仰張設臨浦漱疎柳凝晚
色幽花抱寒素嗟余久衰邁復此動離緒悵望天際帆徘徊郭西路

池上二首

秋池行樂去池樹色已暝露下夕衣涼月上風簾靜飢禽墮疏竹鳴蛩出
深井夜久人事息蕭然諸念屏

振衣書齋客逍遙池上步林隈薄霧起石隙幽泉度鷗迷夕樹返魚觸秋
荷去清聲水上來欲去更延佇

偕友人早出郊

離羣寡游豫得朋殊繙繞相將度春水散漫入芳甸荆煙乍飲摘花露
猶泫林鶯坐未出沙鳥飛還見遙山浮空翠晴雲曳輕練一聽野人言復
起滄洲願

席上懷吳善卿

荒城下餘照高樹留殘雨林靜微花落梁空孤燕語美人事征討日夕嚴虎旅接袂竟何由持杯望煙渚

題東齋壁

林廬寄幽曠墟落但煙霏澤莽依廢井秋瓜生故籬左右皆鹿場水鳥終夜飛我來歲云久似與世相違讀書不聞道聊復自娛嬉濁酒雖不多酌之亦忘飢仲父雖云仁樹塞猶見非小人固有分儉陋乃其宜原思坐鳴琴允也百世師

鄉友携酒至舍下

野老何所將春醪及園蔬遙遙適我舍相與爲歡娛上談羲皇際下逮唐與虞秦漢無足論且復詣樵漁樵漁雖微賤頗似淳古初升之勿易古相顧但嗟吁且盡一日樂焉能念其餘

茅字

丘中有茅宇賤子所自治東西貯筐釜中堂誦書詩雞豚各有家蒲荷亦有池農器更相貸種樹及時爲朝出在田中日暮還此歸鄰里相往來春

醪亦共揮老夫年既邁筋力固當衰厚祿非所慕好爵不願靡但願衡門下長無寒與飢

置酒

今日非昨日置酒衡門前林花發光彩飛鳥亦翩翩弱女時往來小兒誦詩篇細君亦不惡中饋能周旋春蓀前後至炮餚味亦鮮自我來此居倏爾已三年終歲不能安憂患相繆牽乃今得此樂豈復爲偶然壺盡汝當沽醉來我自眠

詠池上芭蕉

亭亭虛心植冉冉繁陰布旣掩猗蘭砌還覆莓苔路卷舒今自知衰榮隨所寓默契方在茲臨軒挹清韻

早出田所

愧無經濟術徒有茂異名行游三十年不見有所成歸來得荒地僥僥始學耕方春多雲氣甘雨亦時行大澤含澄瀾溝澗皆滿盈清晨出門去路與煙霧并庶幾望秋實敢懷勤苦情日午有濁醪揮汗且復傾

耕田

窳薄非今器，容受固不宜。
六籍雖云誦，於道竟何如。
晚途棄末學，農圃以爲師。
方春治臺笠，南畝秉鋤基。
出入田水間，霑濕豈暇辭。
但願秋穀成童稚，有粥糜。

古意

二十首

何蒼蒼千里復萬里，六馬方驕悍。
蹠蹠終未已，東臨碣石岸。
西涉流沙水，炎州氣輝赫。
幽谷水迤瀰，白日墮崦嵫。
倉惶將何止，王良本賤工善御。
徒云爾焉能繫其足，伏櫪噉荔枝。

翹翹爲學士，冠帶自成羣。
朝去莫來歸，終歲常辛勤。
盈盈發春葩，婢婢競芳辰。
飄風倏然來，零落成埃塵。
黃鸝游四海，日暮集峴崙。
願言息爾駕，還居守蓬門。

團團明月珠，墮此濁水中。
光彩雖未泯，淪沒竟有窮。
拔山固神力，舉鼎亦無雙。
徒有千尋綆，挽之竟何從。
顏生不遠復，斯爲蓋世雄。

楚人好魚目，越人薦明珠。
一日三至門，主人行徐徐。
相見纔一言，薄送下前除。
洛陽蘇季子，黃金滿後車。
鄒軻誦堯舜，白首走道途。
蓐食出門去，慘慘踐嚴霜。
問子將何之，千里赴洛陽。
洛陽有劇孟，任俠世

稱強我願從之游氣勢相頡旗路逢王子被服儒衣裳少長各有禮講
誦麋鹿場中心忽愛慕與彼遂相忘

中夜治舟楫越海遠遊遨遊遨將何爲萬寶聚巖坳珊瑚七尺餘珠樹羅
蓬蒿持之向中國可以金張豪出門忽不樂欲進心恒懼但恐蛟龍怒骨
肉淪波濤人生亦有命聖賢莫能逃遺穗尚可拾言歸卧林臯
秦師困邯鄲趙氏旦夕危魯連山中來排患在重圍折衝不復言辭金忽
焉歸清風映東夏千載以爲奇我思鄒孟氏處世一何宜被髮雖可救閉
戶終可爲斯言足明訓賢獨未之思

茫茫古人中我愛原子思食棗豈云飽衣裘豈應時憔悴衡門下彈琴唱
逸詩大夫適何來駟馬行駢駢入門郎長歎念子病何危貧病固不同發
言忽若斯誰爲同門生白首不見知

莊周善著書汪洋不可禁時時詆仲尼何況賜與參南金鑄芻狗隋珠彈
微禽自昔多橫議言高罪彌深

李斯遊洛陽名遂身亦危一人具五刑於古豈有之呼兒語黃犬相顧涕
交願斯時夏黃公商山方採芝

段生方踰垣泄柳方閉門二子豈獨善蓋亦避世喧種棗在南野種葵在東園日夕飯一盤萬鍾何加焉周孔有遺言吟詠荒園裏聊以終歲年

朝坐高堂上白飯鯉魚羹幕埽高堂上華燭送清觥況有四海人相愛如弟兄彈琴析疑義歡樂各有情以茲度一世聊重不爲輕不學狂圖子空山望長生

登高望八荒未見不死人徒看後來塚纍纍傷我神伯儔與安期於今亦不存如何學仙侶服食正紛紜獨羨顏氏子陋巷以爲仁

陶潛不願仕阮仕亦爲貧遙遙去鄉曲當時已酸辛衣冠對俗吏自卯直至申終日惟一瓠濁醪豈虛唇歸來荒園裏此志乃復伸清風坐北窗雞黍會四鄰或茫茫宇宙中我思見其人

白日生東海倏忽墮崦嵫皓月方滿盈斯須亦已瞬淮陰有奇功赫赫在一時焉知束縛去還爲兒女歎大道毋如此人巾安足悲獨羨鴟夷子輕舟去江渭

迢迢青雲上自昔爲亨衢亨衢豈無極下視乃泥塗商君變法時寧知裂

其軀貴賤更迭來榮辱在須臾願爲雙黃鵠游戲江與湖
閨中論功業相國稱發蹕一朝清苑地廷尉忽相逢免冠且徒跣局促如
兒童陸生雖堅儒進退頗從容

文皇好直言容受無畱停鄭公在當時頗得諫諍名稱田舍翁千載傷
我情嬰鱗固爲難回天亦非輕先人有薄田婦與長沮耕

幽谷有貧士白髮被兩有人事既乖互年運亦逆遭敝屣久不縫短褐夙
已穿讀書雖聞道好酒況無錢常遭富人笑豈有貴人憐我聞齊景公千
駟亦徒然夷齊餓西山後世稱聖賢

十五志爲學四海訪鉅儒低回梁宋郊浩蕩齊魯區庶從父老問得親交
游徒惜哉戎馬起中道乃趙趙歸來卧荒園白首成下愚

鄒園十詠

釣磯

白石自團圓春流亦漾漾閒漚兩邊至碧絲風外颺旣寡羨魚情還聞濯
纓唱嗟彼磻上翁投竿復何向

柳堤

柔條被晴莎密陰覆芳杜逶迤起沙際寂寞連水濱鷗眠雨未歇鶯叫煙初曙還將竹竿去從爾釣春渚

基墅

蟲蠹林影靜白石況如砥幽幽青苔色離離見屐齒豈無櫺中叟還逢爛柯士日入始言歸相送青川淚

瀑布

青崖澗流淙蜿蜒在窗戶臨風噴輕雪穿林散飛雨高源出無盡餘洞霑還溥羨彼軒中人似坐匡廬下

桃蹊

繁花亦何言人至逝愈顯因石自高下緣源屢回轉鶯啼陰久匝雨霽苔猶淺漁父欲問津煙中聞雞犬

魚淵

幽壑湛虛靜衆儻遠來埽游泳方自得沉潛亦其宜旣無網罟憂矜菜復參差辟彼翔集鳥悠然竟何疑

濯清

潭自川上來泓澄復瀟淪涵虛旣晶晶度遠方翻粼番番中林叟長纓久
堠煙臨風且浩歌似念滄浪人

蓼灘

衍迤近橫塘陂陀間幽渚輕穗含夕霏叢條偃秋雨縱橫覆魚隊閑寂來
鷗侶杖策時一臨逍遙更延佇

松壑

矯矯千歲姿生此衆石間微颺度巖阿殷殷起波瀾幽人一壺酒日夕自
怡顏安得川上舟與子相往還

杏塢

窈窕石徑深參差繁英滿發采已云奇生香殊未斷依依午橋路粲粲未
陳阪月色散疏景時時坐橫管

辛酉大醉書東郊主人壁

洪武十四年

人生百年中疾疾與灾危風雨愆期至歡樂能幾時仲春三月桃李正
華滋胡蝶滿東郊倉庚鳴且飛招我同心人策馬試輕衣東家飲美酒西
第彈鳴絲鳴絲未及已四座賦聲詩日暮始歸來明旦復如斯君看多財

予計惜在毫釐終夜不能眠握算至晨曦一朝籍縣官雖悔何所追
采石春望

夜泊青山渚朝登采石磯蜀雪應消盡吳船猶未歸五湖花正落三江鶯
亂飛同行王主事此日亦沾衣

泗上書懷

爲客山川遠封侯歲月遲後生方爾汝吾輩復驅馳豈是逢迎倦深知氣
力衰還將歸老意先報白鷗知

泗州書懷

白髮三吳客清秋泗水邊官途隨老馬歸夢逐風鳶酒盡尋僧舍書來問
客船淮南與淮北漂泊過年年

思歸兼簡嚴八

天高風正急鴻鴈傍人飛江外無來使淮南盡搗衣悲歌聊當泣遠望亦
同歸爲報嚴大子滄洲與願違

送李十戶時將有海東之役

中國人傾化東夷貢宋修聖君能大勇滄海卽浮沤貔虎當前隊魚龍捷

上遊人言漢飛將今日定封侯

京師歸別墅

政拙辭馳馬身閒問綠蓑此生人共弃長日自行歌野圃啼鶯滿春江聞鴨多黃家酒壚近風雨亦來過

春日偶書

罷官御史府屏跡五湖東江水北流山花費酒筒野情方浩蕩高論入虛空明日春田事還尋荷蓀翁

宴王主簿宅

故人王短簿老未卽歸田賓客尊耆丈園池有歲不籽花留舞蝶高柳宿啼鵠最愛西亭好時時得醉眠

懷王道士

宣城王道士愛着芰荷衣一自清江別三年白鴈飛酒徒隨處有沽客向來稀最憶青城夜狂歌不宵歸

王仙人遠過

聞道神仙侶來尋野客園談玄終未悟對酒且忘言接樹朱櫻密綠坡紫

繁醉餘春水上坐聽白鷗喧

春園

春園江水上江霧日昏昏沙暖常垂釣花深不閉門家童鋤進麥野客共盤食衰老仍耽酒經年懶出村

村居懷京下二友生

罷職非能吏歸田卽老農有詩聊度日無字可書空白髮將誰念黃梁且自春故人能問訊家在五湖東

馬氏西園宴別吳進士善卿

竹陰連水屋荷氣集池臺南國佳人去西園高宴開好風因樹起新月渡河來別後江潭上離腸日九回

別墅

春園含薄霧野木散輕陰落絮隨風舞啼鶯坐樹深旅情方自遣幽意待人吟獨少楊雄客時時載酒尋

送任李二高士歸越

老去任公子重來李少君仙凡初不遠江海自離群水達吳呂樹山連禹

穴雲汀洲有長笛日暮不堪聞

飲馬氏東園

烏衣東苑內春色正芳菲上客調詩律佳人試舞衣天桃連雨發鸚鵡入簾飛況是多春酒厭厭夜不歸

賦陶與權雲所二首

登有從龍意還同野老臣覆花初冉冉度水亦徐徐隴上時相逐溪邊或目鋤猶能作霖雨霑洒及鄰墟斯人肥道士高卧亦無心野樹留餘潤春花帶遠陰近床衣欲冷拂石坐還深爲問陶弘景何如隴上吟

懷王生

王生本靜者郡邑少經過家住清江曲春來白鳥多親庖餘酒肉官賦入菱荷歲莫兼相憶臨流獨詠歌

立春日飲任氏西園

把釣埽東海開筵近北臺千林殘雪盡萬物新春回中散調琴坐山公待酒來更須花滿樹終日此銜盃

飲田家醉後書王生壁

勲業心逾懶耕鋤意頗長牛衣方自卧麟閣聽渠忙瓜果隣家席詩苦野
客堂醉餘還講誦未見老夫狂木鄉寒氣早未暮掩柴扉離落無人過雞豚各自歸老妻重鼠穴稚子卧
牛衣安得盈缸酒深益日日揮

聞張處士竹林甚盛欲觀未能兼簡王一秀才

聞道南村竹春來接遠坡色侵沽酒旆聲送濯纓歌甚欲敲門看須憑拄杖過餘陰過西治應覆右軍鵝

陪陳應奉諸公宴馬氏西園

西樓臨曉日青蓋度行雲歌吹三春好賓朋四海聞絮嫌飛燕態花始綠珠裙曲誤誰能顧周郎思不群

京師懷吳中黃道士

吳下黃師我所憐江湖離別又三年家貧似爲耽詩句世亂誰能與酒錢
溪上瓜田應蔓艸沙邊茅屋正風顛稍待東南春水綠老夫書札寄吳船

治亭寓目

百尺孤亭落照間六朝遺迹艸班班榮華有盡英雄去江水無窮鶯鶯商女晚來猶自唱行人春盡不知還故園在三江外烟樹微茫獨倚闌

喜洪山人怒復至

烟巷雞鳴曙色開秋林鶴噪遠人回老夫自掃風前葉稚子兼鋤雨後苔近市酒漿渾易得傍溪魚蟹亦須來鷗邊野水明如鏡更坐寒山共一盃

京師歸至丹陽逢侯生大醉

白下西風吹夜涼五湖秋艸着微霜千家砧杵初凌亂猶客關山正渺然
歸去定應殘臘盡飄零猶幸此身強丹陽郭裡盈樽酒且爲侯色發醉狂

歸來

淮甸西風送客歸江潭落木正飛飛屋邊鶴鶴鳴高垤道上狐狸笑弊衣
濯足每嫌秋岸冷攤書還趁夕光微倦遊季子真相似獨有賢妻肯下機

郭外寄王錄事

白鶲黃鳥動春聲綠樹清波稱晚晴何用城中走塵土只消江上過清明
深村濁酒還堪醉野老狂歌亦有情寄語東門王錄事底須辛苦過平生
過黃耳墓有感陸士衡在洛被禱時寄書犬也墓在華亭南

黃耳墓前春日遲柳條花夢止參差多才已逐浮雲去異物猶令後代思
顧養有恩終不背交遊何事獨相欺春風綠酒人皆醉落日孤舟自咏詩

春日溪上謨書

白髮何煩試鶼冠清江久欲把漁竿涓涓濁酒須成醉嫋嫋晴花已依看
不忍燕鶯頻往復且留鷗鷺與盤桓東家野老渾知我日日相過却自歡

賦黃葉漁村

澤國西風霜樹多蕭條茅屋倚江波家人酒餌兼蝦菜野老衣裳雜芰荷
東海任公時問信滄浪孺子亦來歌白鷗亦有忘機意清影相看奈爾何

懷曾彥魯

不見曾公白髮侵酒杯墓局最闊心年華冉冉情何限江海悠悠水正深
欲買小舟隨鴈去便從幽壑聽龍吟謂其極往來明年春滿長洲苑拄杖穿
花處處尋

詠溪上所栽桃

桃樹移栽近淺沙呼兒插竹護欹斜秋來擬喫垂垂實春到還看浩浩花
旋置酒旗深處掛更將漁艇密邊遮老大木是文章手故少新詩對客誇

寄題馬氏艸堂兼柬黃二秀才

江上艸堂風物幽

江花紅白滿汀洲
鳴鳩呼婦東西去
麋鹿將兒遠近遊

已有軒窗成晚趣

艸堂有軒更無舟楫散春愁
東林早晚櫻桃熟應與黃香

數勸酬

江上櫻桃

甚盛而予寓所無有忽蘇城友人惠一大盒故賦此

野店荒蹊紅滿枝
暖烟微雨共離披
忽思西蜀勺圓顆
正值東吳遠送時

老子細看方自訝
兒童驚喜欲成癡
拾遺門下曾沾賜
此日飄蓬也賦詩

得馬叟書作此遠寄

洛陽馬叟世稱賢
童稚相看四十年
只道詩名傳宇內
寧知酒債滿江邊

蓬蒿久沒揚雄宅
蝦菜聊隨范蠡船
此日將書付歸鴈
不勝清淚溼吳筆

浦上寓所

我有茅堂南浦濱
回樹千尺晝陰陰
繁花映帶墟煙密
弱竹畱連海氣深

寂寂軒窗惟鳥下
蕭蕭風雨亦龍吟
東家野老猶淳朴
酒榦瓜香數見尋

橫溪寓所

高林深竹氣冥冥
野色波光更滿汀
艸閣雨晴鳴翡翠
花畦風暖入蜻蜓

書成已與山公絕賦就惟敎阿買聽猶未忘情是杯酒尚煩隣里致盆瓶

飲謝氏東園

謝氏池臺多好春風簾水檻不疑塵千鐘綠酒能留客滿樹黃鸝更可人蝶翅乍驚歌扇遠柳花輕觸舞衣頻醉餘蕩槳城東去正值南湖月色新

次圭法師過金秀才隱居二首

墟里人家烟霧深背岡茅屋自陰陰不愁逸竹妨嘉客自愛繁枝集衆禽

田父耰鋤時得借漁人舟楫莫相尋舊開鷄犬桃源裡彷彿溪邊花樹林

幽人讀書茆浦上簷條茆屋倚溪傍霜飛木葉深深赤潮雜溪流混混黃

旁舍杯盤多芋栗秋園門巷亦馨香爲語當時仲長統輸君清曠自徜徉

桂陽王金元人亦多學杜未有如此翁之自然者妙在曠達覺劉青田尚多有意

清明獨坐

花柳千家郭外村老夫官屋近荒園晴林渺渺浮雲氣細艸油油疊浪痕

川上画船爭載酒煙中長笛自銷魂暮年况復追遊依落日泥牆獨閉門

次廣西省朱郎中熙見寄韻二首

萬里蒼梧入望長徵垣新治日聲香已知南土無鶴鏡更擬西郊聽鳳凰

談笑定應多暇日羈縻况復有成章
幕中選試鍾王帖寫遍蘭干葉上霜
衡陽南去與天長蕩子紅椒處處香明月
闌門無虎豹清風臺閣有鸞鳳

芳已入皆三脊卉服新成有九章
幙下文書自稀少醉餘崖巒唱紅霜

次方明謙指揮海上築城韻

二首

城堞遙連北斗斜島夷從此識中華諸侯幕府多春酒上將歌謡雜暮笳
別去幾時還下榻興來何日欲乘楂爲報安則頭白盡更煩重覓棗如瓜
旗影翩翩整復斜中天星月動光華千群貔虎方屯戍萬里魚龍聽鼓笳
聖主自多開國老小夷休恃上天槎却煩上將頻思念時間東門二畝瓜
偕黃叔明王元吉錢伯雲張夢辰金彥振元夕觀燈會於蕭塘隱
居景元舉酒屬客曰七人四百九十歲爲首句以燈字爲韻子
賦此時洪武乙丑也

洪武十八年

七人四百九十歲吳家堂上看花燈皓首龐眉方滿座金盃玉碗出清水
三寸黃柑渾似蜜百壺春酒況如澑今日相逢總知已老夫歡喜欲飛騰

京師得家書

江水一千里家書十五行行行無別語只道早還鄉

寄家書

白髮時時脫青山處處同人行千里外書到五湖東

龍江夜行

細雨過江頭孤篷夜未休歸心與烟浪相逐下揚州

江上二首

野屋藏春樹江堤倚暮花買魚留楚客沽酒問吳娃

日暮江風急江花水上飛吳船三十丈載得夕陽歸

無題五首

門外青青艸今年更覺深前時玉釵墮侍婢不能尋

海內雌無事朝中有諫書大家猶未省不敢候羊車

羊車行樂處歌吹隔蕭牆賴有隣房女時來說故鄉

月落長門去千門夜色濃夢間無限樂不道在宮中

春衣裁剪罷密葉間櫻花縫到鴛鴦處行行線脚斜

因何彥明賦八新效其體

新烟

覆堤初冉冉渡水尚遲遲一樹梨花色猶能似舊時

新水

柳外朝朝雨平添過舊痕往時桃葉渡今日更銷魂

新燕

乍拂芳池遠還窺繡帳重莫將花片蹴飛舞滿筵中

新艸

水邊春尚淺沙際葉纔穿拾翠雙雙女迢迢度碧烟

新鶯

芳樹何年到西園夢裏驚不須重聽汝只是舊時聲

新柳

淺色初含雨輕陰未過池黃昏画樓畔最是斷腸時

新蝶

怯露依芳蕙驚風入繡幃莫將羅扇撲更待滿園飛

新月

既從碧雲上復傍綺窗移願得長如此教人學画眉

江上二首

北固城頭夜雨西津渡口烟波白
髮人人自老青山處處還多
山下旌旗閃閃江邊楊柳依依騎馬將軍遠戍吹蓬漁翁醉歸

淮安道中

山陽城中細雨廣陵堤上飛花估客時時吹笛行人處處思家

郊居三首

西舍槽頭溜溜南園鳥弄關關數觥香醪獨酌一樹梨花半殘
日轉花陰傍戶雨餘山色沿堤一雙蝴蝶對舞幾箇鶯兒亂啼
荒園處處開步小閭時時燕居阮籍惟思飲酒嵇康最嬾讀書

閑步二首

春園偶爾獨徃晚徑蕭然自還芳艸煙中冉冉落花風外斑斑

半雨半晴天氣半開半落山花半醉半醒遊客半村半郭人家

南京四號

五首

君王觀闕倚天開盡出金山復壯哉率土再瞻龍虎氣高臺還見鳳凰來
程孟陽云直學李太白機豪放他人不能及

聖帝明王德業尊
覩爲清廟國西門
皇心自是超前古
況復貽謀及後昆
放牛歸馬淨塵埃
地北天南道路開
火雞駒象時時貢
不數周家白雉來
春雨初晴霽色開
天街風雨少塵埃
白面郎官調御馬
雙騎過午門來
駕出東南正好春
山中艸木更精神
揚雄老去才情減
羌新來獻賦人

卽事

二首

洛陽大賈愛名姬
富樂園中飲酒歸
千步長廊好騎馬
不愁春雨夜霑衣
天街酒好不須言
絃管春風處處喧
舊傳北地鳴珂巷
得似南京富樂園

石頭城晚望

落日依依下石頭
亂雲東望是蘇州
人間何似端心切
獨有春江不斷流

題龍江酒家

二首

金陵美酒玉光浮
父老相傳最解愁
安得身無官府事
長年高卧自家樓
江上青帘映白沙
墟頭美酒玉無瑕
李白當年曾醉此
桃花落盡不思家

朝天宮觀方道士所画三山圖

三首

東流弱水不勝塵
漢武樓臺空自陳
欲借橫江孤鶴去
須憑南嶽魏夫人
巨魚出沒浪波腥
東望三山路杳冥
安得秦皇射蛟手
爲操強弩下滄溟

方壺少小學爲仙筆底三山豈偶然見說麻姑頭總白不知何用得長年

楊州逢李十二衍

二首

與子相逢俱少年東吳城郭酒如川如今白髮知多少風雨揚州共波眠
寂憶東家水調聲花前檀板雜流鶯此時我醉君猶醒舞到梧桐白露生

重過黃渡有感

馬家宅畔無喬木徐氏門前芳艸多留得白頭漁父在年年長笛送滄波

淮西夜坐

蕭蕭風雨滿關河酒盡西樓聽雁過莫怪行人白頭盡異鄉秋色不勝多

李陵泣別圖

上林木落雁南飛萬里蕭條使節歸猶有文情兩行淚西風吹上漢臣衣

客中夜坐

落葉蕭蕭淮水長故園歸路更微茫一聲新雁三更雨何處行人不斷腸

城西送鄧生

千山風雪正霏霏君去金陵幾日歸鳳凰臺上還吹笛東望滄溟淚滿衣

夜至瓜州

瓜洲人家燈火微。瓜洲波上行人稀。敲門買得雙清酒。船在西陵逆浪歸。

寄三江王六秀才

滄洲荷屋晚。秋時橘柚青。黃滿戶垂安。得扁舟趁潮去。醉看江雨散。輕絲

調鄭老

鄭老曾爲前代官。江湖相見獨飢寒。不道夜深霜露重。猶將玉笛倚闌干。

送鄭老歸襄陽

我愛襄陽老。鄭虔高樓吹笛動。秋烟他時若有平安信。即寄江東估客船。

淮東逢張十二信

少年追逐共西東。吳邁文章馬亮弓。一自干戈零落盡。白頭淮海獨相逢。

觀沙鷗

門外群鷗我所知。終朝相見不相離。借爾橋東楊柳岸。明年春日更添兒。

江上寄嚴八

一春不見嚴夫子。底事城中不肯還。門外白鷗三萬箇。幾時相對綠波間。

江上寄書

湘南估客發西津。東入姑蘇花正春。獨有相思數行字。欲從江海問情人。

醉書壁

芙蓉花開滿高岸還如杜老蜀江邊田夫野客頻來看白酒黃雞不用錢
憶南湖二首

我憶南湖春酒香百錢亦可解愁腸湖頭白藕猶堪愛正似佳人玉臂長
南湖沈叟愛吟詩詩似常年杜牧之一日干戈不相見令人雙鬢欲成絲

浦口竹枝

浦上荷花生紫烟吳姬酒肆近人船更將荷葉包魚蟹老死江南不怨天
寄瓢齋

不見瓢齋心自苦金陵又復上金華茫茫春艸兼春水腸斷東風日易斜
訪張道士題壁

道士門前春日溫千重碧艸睡鵝羣山風忽送桃花雨濕遍床頭白練裙
歸來

京國歸來老更窮短衣蕭瑟怕秋風不知飢餓填溝壑日日吟哦江水東
寄錢彥德

故人別我山東去千里長淮復大河此日題詩付兒子白頭清淚不勝多

灌園

荒陂渺渺接連筒葱葉青青芥葉紅不道虞卿著書手白頭衣食野人同

送王御史東海監散窓丁工本

王郎五月赴鹽亭十丈官船酒滿瓶稍待涼風吹木葉老夫東下看滄溟

贈歌舞女童

漳河女子薦良童名在先朝樂部中記得教坊新隊子江南江北舞春風

己未九日對菊大醉戲作四首

洪武十二年

老夫愛此黃金蕊兒子須將白酒賒直到殘陽下天去更添燈火照欹斜
邇莫隣家酒已無教兒更往遠村沽老夫強健如平日醉過三更不要扶
只今何處無黃菊醉着茅茨有幾人賢婦稍能知此意殺鷄爲黍莫辭貧
縱道今年杼軸貧乃翁才力不趨群明朝若賣長門賦還爾黃金一百斤

風雨宿蕭山

東來山郭晚秋時白酒黃柑與不衰欲倩山陰王逸少爲書風雨渡江詩

送賀九成歸浙東兼簡王若水

賀老秋來憶鑑湖荷花楊柳正扶疎西過錢塘見王宰東門今少種瓜圃

瓜步夜泊

千里長江雨乍晴，江頭燈火夜深明。爲報高樓莫吹笛，故園東望不勝情。

江上逢鄰老

鄭老形容今已衰，江頭相見涕漣洏。自說琴書零落盡，獨餘一笛似桓伊。

題老蛟化江叟吹笛圖

吳頭楚尾老歸人，千里烟波有故宮。日暮江亭不歸去，猶將玉笛倚秋風。

城西送邵生

東望滄溟涕泗垂，閨中少婦亦霑衣。他時若有相思字，只寄春江燕子歸。

木落淮南秋色空，閒登高閣送歸鴻。白頭少婦痴兒女，盡在蕭條望眼中。

調王生

門外桃花落漸多，一雙新燕又來過。寄語城東王貢士，今年春酒味如何。

題妓展僧僧像

不見秋娘今幾年，水光山色自然月明樓上天如水。猶憶采州第四絃，

寄顧文昭

憶顧家池水湄千株苔石坐題詩如今又是三年別白髮蕭蕭只怕垂

過潯陽

夜泊潯陽江上沙扁舟何處載琵琶西風不管水流去依舊滿汀開荻花
諸公攜酒蘇臺餞別醉歸海上作此奉謝

吳王洲上百花開花下人人勸酒杯醉臥春江三百里不知月過海門來
附見袁介

介字可潛凱之父其先自蜀來占籍華亭元末爲府掾作檢田吏一篇載於陶九成輒耕錄今錄之於此觀其詞旨激昂沈痛知海叟之詩法益有自來也

檢田吏一作踏災行

有一老翁如病起破衲毡瘦如鬼曉來扶向官道旁哀告行人乞錢米時予奉檄離江城邂逅一見憐其貧倒囊贈與五升米試問何故爲窮民老翁答言聽我語我是東鄉李福五我家無本爲經商只種官田三十畝延祐七年三月初賣衣買得犁與鋤朝耕暮耘受辛苦要還私債輸官租誰知六月至七月雨水絕無潮又渴欲求一點半點水却比農夫眼中血

滔滔黃浦如溝渠農家爭水如爭珠數車相接接不到稻田一旦成沙塗
官司八月受災狀我恐徵糧喫官棒相隨隣里去告災十石官糧望全放
當年隔岸分吉凶高田盡荒低田豐縣官不見高田旱將謂亦與低田同
文字下鄉如火速逼我將田都首伏只因賣我不肯首却把我田批作熟
太平九月開旱倉主首貧乏無可償男名阿孫女阿惜逼我嫁賣賠官糧
阿孫賣與蓮糧戶卽日不知在何處可憐阿惜猶未笄嫁向湖州山裏去
我今年已七十奇餓無口食寒無衣東求西乞度殘喘無因早向黃泉歸
旋言旋拭腮邊淚我忽驚慚汗沾背老翁老翁勿復言我是今年檢田吏

列朝詩集

甲集第三